

# আমার চিন্তা।

—\*\*—

ভাঙ্গামোড়া নিবাসী।

শ্রীঅম্বিকাচরণ গুপ্ত

কর্তৃক প্রণীত।

“ Why thinks the fool, with childish hope, to see  
What neither is, nor was, nor e'er shall be. ”

*Elphinston.*

শ্রীযোগেন্দ্রনাথ গুপ্ত

কর্তৃক প্রকাশিত।

কলিকাতা,—মণ্ডল ষ্ট্রীট।

ডাইরেক্টরী যন্ত্রে

শ্রীহরচন্দ্র দাস দ্বারা মুদ্রিত।



## বিজ্ঞাপন ।

আজি তিন চারি বৎসর কয়েকটি সংবাদ পত্রে  
কতকগুলি প্রবন্ধ লিখিয়া ছিলাম ; সেই সকল  
সংবাদ পত্রের মধ্যে কয়েকটি সম্পাদক ও কার্য্যা-  
লয় মহাশয়গণ উৎসাহ দেওয়াতে সেই প্রবন্ধগুলি  
একত্রিত করিয়া “আমার চিন্তা” নামে মুদ্রিত করি-  
লাম । “আমার চিন্তা” মধ্যে সময়ভাব ও অন্যান্য  
কারণে অনেকগুলি বিষয় সন্নিবেশিত করিতে অস-  
মর্থ হইলাম । যদি সুবিধা হয়, তবে দ্বিতীয়বারে  
এই পৃথক পুস্তকাকারে সেগুলি মুদ্রিত করিব ।  
এক্ষণে বৃহৎসত্তা সহকারে স্বীকার করিতেছি যে  
আমি গতগুলি পুস্তক মুদ্রিত করিয়াছি নিম্নোক্ত  
মহোদয় ও মহোদয়গণ আমাকে উপযুক্ত অর্থা  
নুকূল্যে সাধিত করিয়াছেন । একথা বলা বাহুল্য  
যে তাঁহাদিগের একমাত্র আনুকূল্যেই আমার পুস্তক  
গুলি সাধারণ্যে প্রচারিত হইয়াছে ।

শ্রীমতী বঙ্গুড়া স্বর্ণময়ী C. I.	কাশিমবাজার ।
শরৎসুন্দরী দেবী,	পুটিয়া ।
স্বামী গামমোহিনী দেবী,	দিনাজপুর ।
স্বর্গীয় শাহাঙ্গাচন্দ্র বাহাদুর,	বর্ধমান ।
শ্রীযুক্ত রাজা কেশব নারায়ণ রায়বাহাদুর	বলিহার ।
শ্রীযুক্ত শ্রীমোহন রায় চৌধুরী বাহাদুর	ভূমভাণ্ডার ।

শ্রীঅম্বিকাচরণ গুপ্ত ।



## উৎসর্গ পত্র ।

রাজশ্রী শোভিতা

শ্রীমতী মহারানী স্বর্ণময়ী “ভারত মুকুট” (C. I.)

মহোদয়ার করকমলে

স্বদেশ বৎসলে !

আমার কৌমারাবধি আপনি যে আমার মানসক্ষেত্রে উৎসাহবারি সিঞ্চন করিয়া আসিতে ছেন, এত দিনে তজ্জাত তরু শাখা প্রশাখায় বিস্তৃত হইয়া যে প্রসূন চয় প্রসব করিয়াছে, তাহাতেই এই হার প্রথিত করিয়া আজ আপনাকে উপহার প্রদান করিতে উদ্যত হইতেছি । এ কুসুম মালার শোভা নাই, রস নাই, গন্ধ নাই অথবা গাঁথনির চৈক্ল্যও নাই । জ্ঞানী ব্যক্তির বিমরুক্ষ রোপণ করিলেও অসৎ তাহার মলোৎপাটন করিতে ভাল বাসেন না ; উন্নত মনের এই স্বভাব সিদ্ধগুণ, অথবা আপনি বহুজন পালয়িত্রী রাজ্ঞী, শ্রদ্ধা সহকারে যে বাহা অর্পণ করিবে তাহাই গ্রহণ করা আপনার রাজধর্ম্য জানিয়াই, এই অসম-সাহসিকতার কায়ে হস্তক্ষেপ করিতেছি । এক্ষণে প্রার্থনা এই যে এতৎ উপহার গ্রহণে প্রমুকারের আনন্দ বন্ধন করেন । ইতি

হাওড়া

বশব্দ

৫ই পৌষ ১২৮৭)

শ্রী অধিকাচরণ গুপ্ত ।





# আমার চিন্তা ।

—\*\*\*—

## আমার চিন্তা ।

“Human mind never knows a state of rest.”

মনে যাহা উদ্ভিত হয় যদি তাহা প্রকাশ করা যায়, তাহা হইলে কবিরাজ মহাশয় মধ্যম নারায়ণ তৈলের ব্যবস্থা করিবেন—ডাক্তার বাবু গীর্ধায় বিষ্টার, মস্তক মুণ্ডন করিয়া তাহাতে বরফ জল সেচন করিবার যুক্তি দিবেন—আত্মীয় বন্ধু বান্ধবেরা খেদ করিবেন—আব পাঠক ! আপনারা পাগল বলিয়া উপহাস করিতে ক্ষান্ত হইবেন না । মানব মন অনন্ত—বিস্তৃত অপার বারিধির গ্রাম—তাহাতে নিয়তই চিন্তা তরঙ্গ উঠিতেছে, লয়-প্রাপ্ত হইতেছে, আবার উঠিতেছে, আবার নিলাইতেছে—চিন্তার বিরাম নাই । শীর্ণ তনু, জীর্ণবাস পরিধিত, ঘৃণিত মূর্তি ভিক্ষোপজীবী উদরাম্বের জন্ত লালায়িত—সেও মনে মনে ধনবান্ হয়, রমণীয় অট্টালিকার সৃষ্টি করিয়া তাহাতে বাস করে, অগণ্য তুরঙ্গ বাজীরাজি পুষিয়া তাহাতে আরোহণ সুখভোগ করে, সুবর্ণ কারু কার্গাময় সুরন্য পটুবস্ত্র পরিধানাদি ধনীর অশন বসন ও বিলাস সুখের বাসনা করে ; গৃহস্থ লোক আপন পরিবারদিগের সুখ সচ্ছন্দতা বৃদ্ধির জন্ত প্রভূত

ধনাগমের কল্পনা করে, আপন অবস্থা ও ক্ষমতাভীত অর্থা-  
 ব্ৰূনের আশা বিফল জানিলেও দৈবপ্রাপ্তির কল্পনা করিয়া  
 আপন আশার সার্থকতার চিন্তা করে, কখন ধনেশ্বর, কখন  
 রাজেশ্বর হইবে ইচ্ছা করে,—ধনী কুবের হু পাইবার অনু-  
 ধ্যান করে, রাজা পৃথীশ্বর হইয়া সমাগরা ধরার অধিকার প্রাপ্তির  
 চিন্তা করেন । স্ব স্ব অন্তঃকারণ ও চিন্তার বিরতি দেখিতে  
 পাই নাই—যাহা হইবার নহে, কখন হয় না, কেহ কখন  
 করিতে পারে না, এমন বিষয় অনেক সময়ই মানবের চিন্তা-  
 বিন্যাসিত অন্তঃকরণে সমুদিত হয়, সকলে আপন মনে ভাবিয়া  
 দেখিলেই এ বিষয়ের সার্থকতা স্বীকার করিবেন । মনুষ্যের  
 মনে এইরূপে সময়ে সময়ে নানা ভাবের উদয় হইয়া থাকে,  
 যদি কেহ তাহা প্রকাশ করিয়া বলেন, তবে তিনি উন্মাদগ্রস্ত ।  
 আমার মন কখনও স্থির নহে, সততই চিন্তাপর—আমিত কথ-  
 নই আমার মনকে নিশ্চিন্ত দেখি নাই । যখনই আমি বিষয়  
 কাণ্ড হইতে অবসর পাই তখনই আমার মন একটা না একটা  
 চিন্তা লইয়া বসিয়াছে দেখিতে পাই । আমার মন সংসার  
 চলিবার চিন্তা করে না—আমি যে দশ টাকা উপার্জন করি,  
 তাহার একটা পয়সা বাজে খরচ করি না—একটা পয়সা হাতে  
 রাখি না, কার্য্য করিতে অক্ষম হইলে কলা কিরূপে চলিবে  
 তাহার চিন্তা করি না—গৃহস্থালীর সহিত আমার কোন সংস্রব  
 নাই—অথচ আমার মন সর্বদাই চিন্তারত—যখন একাকী  
 গৃহে—তখন চিন্তা করি । যখন পথে বাহির হই তখন চিন্তা করি  
 —শয়ন করিবার পর যতক্ষণ না নিদ্রা আসে ততক্ষণ চিন্তা করি  
 —বিষয় কার্য্য করিবার সময়ও কখন কখন চিন্তা করি—এজন্য



## আমার চিন্তা ।

৩

আমার কোন কোন বন্ধু আমাকে সর্বদা অশ্রমনা বলিয়া থাকেন—আমি কাজ কস্ম করিতে জানিলেও অশ্রমনকতা প্রযুক্ত মধো মধো কাজে ভুল করিয়া থাকি—তাঁহারা মন্দ কথা বলেন না, ঠিক বলিয়া থাকেন—আমার মনের নতন কথা এজন্য আমি একদিনের জন্য দুঃখিত হই নাই । আমার চিন্তা লইয়া এত কথা কহিতেছি—পাঠকগণ জিজ্ঞাসা করিতে পারেন কিসের এত চিন্তা ? তাঁহার উত্তর নাই—বিফল চিন্তা । এই পৃথিবী, আকাশ, পাতাল, বিশ্ব লক্ষাণ্ড, মনুষ্য, সংসার, ভাল মন্দ বা দেখি, যা শুনি, তাই চিন্তা । আমার মন কখন অনন্ত অস্তরীক্ষে আরোহণ করিয়া প্রত্যেক জ্যোতিষ্কমণ্ডলে পরিভ্রমণ করিয়া কাহার কি আকাব, কাহারে কি আছে, কোথায় কি ঘটনা সংঘটিত হইতেছে, তাহাদিগেব সঞ্চিত আনন্দিগের নিবাসভূতা ধরিত্রীর কি সম্বন্ধ তাঁহার চিন্তা করিতেছে ; কখন ভূমণ্ডলের সকল স্থানে বিচরণ করিয়া আনন্দজ্ঞান নদের জলধেনা সন্দর্শন করিতেছে ; কখন তুমার মণ্ডিত হিমাচল চূড়ায় আরোহণ করিয়া গৈরিকাদি বিশোভিত স্থান সমুদায় দেখিয়া অতুল আনন্দলাভ করিতেছে ; কখন নিবিড় কাষ্ঠ্যবে প্রবেশ করিয়া বনস্পতি সমূহের অপূৰ্ণ শোভা নিলোকন করিয়া আনন্দ সাগরে নিমগ্ন হইতেছে ; কখন গিরিপ্রত্যবনের নিকটে দাঁড়াইয়া তাঁহার সম্পাত সম্বৃত কল্ কল্ শব্দে মুগ্ধ হইয়া তাঁহাই দেখিতেছে । কখন দুর্গম গিরিগুহায় প্রবিষ্ট হইয়া তত্রতা ঘোর অন্ধকার দেখিয়া কল্পিত হইতেছে ; কখন বা বিস্তৃত বারিধি স্রদয়ে ভাসিতে ভাসিতে কত শত জনশৃঙ্খলীপের আদিকার করিতেছে ; কখন বা তাঁহার অতল গর্ভে

প্রবেশ করিয়া গুপ্তগিরি-নিচয়ের অনুসন্ধান করিতেছে ;  
 কোথাও বা বহুমুখ্য মুক্তা শুক্রির আবাস দেখিয়া দুই হস্তে  
 তাহা সংগ্রহ করিতেছে ; কখনও বা সামাজিক রীতি নীতি,  
 সংসারের কার্যকলাপ দেখিয়া আপনা আপনিই আশ্চর্য্য হই-  
 তেছে ; কখনও বা ইহ জগতের কার্য্য কারণ, সুখদুঃখ, ধর্ম্মা-  
 ধর্ম্মের গতি দেখিয়া স্তম্ভিত হইতেছে ; কখনও বা মনুষ্যের  
 জন্ম, জরা, জীবন, যৌবন ভাবিয়া অবাক হইতেছে । মনের  
 কথায় কাজ কি ! আমার মন পাগল ! এসকল ভাবিলে  
 কি হইবে ? বিষয় কার্য্যের চিন্তা করিলে, অর্থোপার্জ্জনের  
 উপায় দেখিলে, বরং সুখে সংসারযাত্রা নির্ঝাহ হইবে—সুখে  
 দিন যাইবে, কিন্তু আমার মন সে দিকে যায় না—কি করি ?  
 যাহাতে যাহার প্রবৃত্তি নাই তাহাকে সে বিষয়ে লওয়াইতে  
 চেষ্টা করা বিড়ম্বনামাত্র । সেজন্য গার্হস্থ্য চিন্তা বড় করি  
 নাই—মনকে কখন তাহাতে প্রবৃত্তিও দি নাই । দুই এক-  
 বার পরীক্ষা করিয়া দেখিয়াছি—কুফল ফলিয়াছে । সেই অবধি  
 সে সকল চিন্তা ছাড়িয়া দিয়াছি । উদরের দ্বারে দাসত্ব—আমার  
 মত লোকের তাহাও বজায় থাকা ভার । যতদিন অদৃষ্টে  
 আছে কার সাধ্যা ধওন করে ? এখন যাহা ভাল লাগে কেবল  
 তাহারই চিন্তা করি—অন্য চিন্তা করি নাই । আমি মনের  
 কথা গোপন করিতে ভাল বাসি না, যখন যাহা মনে হয়,  
 বতকণ না প্রকাশ করি, ততকণ মন ছটফট করে । ইহাতে  
 আমাকে কেহ ভাল বলুন, চাই মন্দ বলুন—পাগল বলুন, চাই  
 জানী বলুন আমার তাহাতে সুখ দুঃখ, ক্ষতি বৃদ্ধি নাই ।  
 আমার মনে যখন যাহা উদয় হইয়াছে আমি তাহাই লিখি-

## পৃথিবীতে গুরু কে ?

৫

রাছি, এই জন্মই এই পুস্তক খানির নাম “আমার চিন্তা” রাখিলাম ; আমার মনে যে সকল চিন্তার উদয় হইয়াছে আমি অবিকল সে সকলই ইহাতে লিপিবদ্ধ করিয়াছি—সরল কথায় মার নাই—যাহা লিখিয়াছি তাহা অথল-চিত্তে—কিছু গোপন না রাখিয়া লিখিয়াছি।

## পৃথিবীতে গুরু কে ?

পৃথিবীতে গুরু কে ? কাহাকে মনের ভক্তি, শ্রদ্ধা ও শ্রীতিসহকারে পূজা করি ? কাহার মনঃক্ষোভ, মনোদুঃখকে অধিকতর ভয় করি ? কাহার একবিন্দু অশ্রুপাত হইলে আপন শরীরের সহস্রবিন্দু শোণিতপাত বিবেচনা করি ? কাহার মুখ স্নান দেখিলে, অন্তঃকরণ দুঃখানলে দগ্ধ হইতে থাকে ? আপন শরীর বিসর্জন দিলেও কাহার ঋণ পরিশোধিত হয় না ? বেদ, স্মৃতি, গ্রাম, সাংখ্য, পাতঞ্জল, মীমাংসা, ষড়দশনে পারদর্শী বা অধুনাতন পাশ্চাত্য ভাষায় বি. এ., এন. এ. পাশ করিয়া দ্বিতীয় পিথাগোরস বা সর আইজাক নিউটন হইলেও কাহার নিকট বিন্যাভিমান করিতে পারি না ? অতুল ঐশ্বর্যশালী হইয়া কুবেরের ধন পাইলেও কাহার নিকট ধনগৌরব করা চলে না ? অতুল রাজসম্মানে সম্মানিত হইলেও কাহার নিকট সম্মানের প্রত্যাশা করা চলে না ? পৃথিবী মধ্যে প্রত্যেক দেবতা বলিয়া

কাহাকে পূজা করি ? বিদ্যা, ধন, যশ ও মানে জগতের মধ্যে  
অদ্বিতীয় হইলেও কাহার নিকট সামান্ত বালকের গ্ৰাম ব্যবহৃত  
হই ? স্বর্গ অপেক্ষাও গরীয়সী কে ?

যিনি দশমাসকাল যন্ত্রণা সহ করিয়া প্রসবকালে জীবনান্ত-  
কালীন অব্যক্ত যাতনা ভোগ করিয়াছেন ; যিনি পুত্রের মুখাব-  
লোকন মাত্র সেই সমস্ত দারুণ যন্ত্রণা একেবারে বিস্মৃত হইয়া  
পুত্রের স্বাস্থ্যের জন্ত অশেষ কষ্টকে কষ্ট জ্ঞান করেন না ; পাছে  
পুত্রের কোন বিষ দটে, এজন্ত যিনি আপন আহার সুখ পরি-  
হার করিয়া কটুতিক্ত খাদ্য গ্রহণ করেন ; যিনি পুত্রের মল  
মূত্রকে অস্পৃশ্য জ্ঞান না করিয়া কি আহার কি শয়নকালে সকল  
সময়েই পুত্রকে পরিষ্কার পরিচ্ছন্ন রাখিতে যত্নবতী হন ; পুত্রের  
সহায় আশ্রয় দর্শনে যিনি স্বর্গস্থ তুচ্ছ করেন এবং পুত্রকে  
রোরুদ্যমান দেখিলে সমধিক ব্যাকুলা হন ; যিনি পুত্রের জন্ত  
আপন জীবন পর্য্যন্ত পরিত্যাগ করিতে কুণ্ঠিত হন না ; যিনি  
রাজপ্রাসাদ, রাজৈখর্য্য অক্ষুণ্ণভাবে তাগ করিয়া পুত্রকে লইয়া  
দীনভাবে পর্ণকূটীর আশ্রয় বা অরণ্যবাস গ্রহণ করিতে প্রকৃত-  
পক্ষে কোন কষ্টবোধ করেন না ; ধনকুবের এবং বিদ্যায়  
বৃহস্পতি তুল্য পুত্র এবং দীন উদরান্ন সংগ্রহে অসমর্থ পুত্রের  
সহিত বাঁহার ভিন্নভাব থাকে না ; বরং শেষোক্তোর প্রতি  
তাহার স্ত্রী-পুত্র অপর আত্মীয়গণ ঘৃণিত ভাব প্রকাশ করিতে  
পারে, কিন্তু যে করুণাময়ীর স্নেহ সমভাবে অবিচলিত থাকে ;  
যিনি পুত্রের ধনে লালসা করেন না ; পুত্রের বিদ্যা গৌরবে  
গৌরবাস্বিতা হইতে তত ইচ্ছা করেন না, কেবল প্রাণপণে  
পুত্রের শারীরিক মঙ্গল জন্ত দেখরের নিকট সকল সময়ে কার-

## পৃথিবীতে গুরু কে ?

৭

মনোবাক্যে প্রার্থনা করেন ; যাহার স্নেহের অস্ত্র নাই, যাহার করুণার সীমা নাই ; এমন নিঃস্বার্থ হিতপ্রার্থিনী জগতের মধ্যে আর কে আছে ? যদি অর্থকৃচ্ছ্রহানিবন্ধন পারিবারিক ক্লেশ বা নিয়মিত অশনবসনের অনাটন উপস্থিত হয়, প্রিয়তমা পত্নী, অতিশয় সাধ্বী হইলে বিরক্ত না হইয়া, মনে মনে ক্ষুধা হয়, স্বামীর দারিদ্র্য জন্ত আপন অদৃষ্টের নিকৃষ্টতা কল্পনা করে ; পুত্র দুঃসময় দেখিলে ক্ষুব্ধ হয়, পিতার সময়সময় বুঝে না, আপন প্রার্থনা পূর্ণ না হইলেই অনর্থ করে, অতি কষ্ট বোধ করে ; কিন্তু যাহার মন পুত্রের বদনারবিন্দ অবলোকন করিতে পাইলে সকল বিপদ, সকল বাধা, সকল দুঃখ অতিক্রম করিয়া সদা প্রসন্নভাবে অবস্থিতি করে, এমন শুভকারিণী জননী অপেক্ষা জগতে গুরু কে আছে ? তাঁহাকে ব্যতীত প্রীতি, ভক্তি ও শ্রদ্ধা সহকারে কাহাকে পূজা করিতে ইচ্ছা হয় ? জগতে এমন কেহই নাই ! এই অসীম ধরণীমণ্ডল, এই নিখিল-বিশ্ব, এই ত্রিলোক মধ্যে এমন কাহাকেও দেখিতে পাই না যাহাকে জননী অপেক্ষা পূজনীয়া ও বন্দনীয়া জ্ঞান করি । যদি এই বিশ্বসংসারে দেবতা বলিয়া পূজা করিবার কেহ থাকেন, তবে তিনি জননী । যাহার শ্রীচরণরেণু কি বাল্য, কি কৈশোর, কি যৌবন, কি বার্দ্ধক্য, কি ধন কষ্ট, কি শারীরিক স্বাস্থ্যভঙ্গ সকল অবস্থাতেই আমাদিগের অশেষ শুভপ্রদ হইয়া থাকে । দুঃসহ রোগ বহুগাম, অতীব বিপদ সময়ে, অতিশয় কষ্টের অবস্থাতে যাহার পবিত্র নাম একমাত্র শব্দ ; লোক যতই পাষাণ হউক, যত বড় হৃদ্য হউক, যতই নিষ্ঠুর হউক, কষ্টের সময় “মা !” এই স্নমধুব নামটী সকলকেই উচ্চারণ করিতে হয় ।

ମାତାର ଶୁକ୍ର ବଲିଆ ପିତାଙ୍କେ ଭକ୍ତି କରି, ମାତା ପିତା,  
 ଈଶ୍ଵରଙ୍କ ପୂଜନୀୟ ଏବଂ ଆରାଧ୍ୟ ବଲିଆ ଈଶ୍ଵରଙ୍କେ ପୂଜା କରି ;  
 ସଂପଦେ ଥାକିଆ ମାତା ପିତାଙ୍କେ ଦେବତାଜ୍ଞାନେ ପୂଜା କରିଲେ  
 ଈଶ୍ଵର ସନ୍ତୁଷ୍ଟ ହେବ ; ତଦନ୍ତର୍ଥାୟ ତିନି ବିରକ୍ତ ହେବା ଥାକେନ, ଏବଂ  
 ଠାହାର ନିକଟ ପାପୀ ପଦ ବାଚା ହେତେ ହେବ । ଏକ୍ରମ ଜନକ ଜନନୀ  
 ଅପେକ୍ଷା ଜଗତେ ଜୀବର ମାର୍ଗଧନ ଆର କି ଆଛି ? ଦେହମନ  
 ସମର୍ପଣ କରିଆ ଯାହାଦିଗର ସେବା କରିଲେ ଐହିକ ଏବଂ ପାରତ୍ରିକ  
 ଶୁଖିଲା ହେବ, ଠାହାଦିଗର ଅପେକ୍ଷା ଶୁକ୍ର ଆର କାହାଙ୍କେ ପାହିବ ?  
 ଏକ୍ରମ ମାତା ପିତାର ଶ୍ରୀତି ଭ୍ରମେଓ ଯେ ବ୍ୟକ୍ତିରା ମନୋମଧ୍ୟେ  
 ଦେଶଭାବଙ୍କେ ଶ୍ରୀତି ଦେବ, ତାହାଦିଗର ମତ ନାରକୀ ତ୍ରିଜଗତେ  
 ଖୁଜିଆ ମିଳା ତାର ? ତାହାଦିଗର ମୁଖାବଲୋକନ କରିଲେ ପାପ  
 ହେବ । ତାହାରା ଯତ ବଡ଼ ଦନଶାଳୀ, ଯତବଡ଼ ବିଦ୍ଵାନ ହୁଏକ, ଦେଶ-  
 ହିତୈଷୀ ବଲିଆ ଯତହି ଗୌରବ କରୁକ, “ବେୟାରିଂ” ଶ୍ରୀଗାଳୀ ହେତେ  
 “ହରଣ” ଅନ୍ତରୀପ ପର୍ଯ୍ୟନ୍ତ ପୃଥିବୀର ସମୁଦୟ ଶ୍ରୀତି ଚକାରବେ ତାହା-  
 ଦିଗର ନାମ ଶ୍ରୀତିଧ୍ଵନିତ ହୁଏକ, ତାହାଦିଗଙ୍କେ ଆମାର ମତ କ୍ଷୁଦ୍ର-  
 ଶ୍ରୀତି ଚକାରବେ ତୁଣ ତୁଲ୍ୟଓ ଜ୍ଞାନ କରେ ନା । ତାହାଦିଗର ଶ୍ରୀତିଧ୍ଵନି,  
 ତାହାଦିଗର ବିଦ୍ୟା, ତାହାଦିଗର ବଳ, ତାହାଦିଗଙ୍କେହି ଶୋଭା  
 ପାଉକ । ଆମି କିନ୍ତୁ ମୂର୍ଖ, ନିର୍ଧନ ଏବଂ ସାଧାରଣର ଅପରିଚିତ  
 ଥାକିଆ ପରମାରାଧ୍ୟ ଭକ୍ତିଭାଜନ ଜନକ ଜନନୀର ସେବାଓଶ୍ରୀତି  
 ଜୀବନକାଳ ଅତିବାହିତ କରିଆ ମାନବଜନ୍ମ ମାର୍ଥକ କରିତେ ପାହିଲେ  
 ଆପନାଙ୍କେ କୃତାର୍ଥ ଜ୍ଞାନ କରି ।



## জন্মভূমির প্রতি প্রবাসী ।

“Such is the patriot’s boast, wherever we roam,  
His first, best country ever is at home.”

Goldsmith.

আমি প্রবাসী—বে গ্রামে জন্মগ্রহণ করিয়া বাল্যকাল  
ক্ষেপণ করিয়াছি, সে গ্রাম পরিত্যাগ করিয়া অর্থোপার্জনের  
জন্য এক্ষণে নগরে অবস্থিতি করিতেছি । এখানে সুন্দর  
অট্টালিকায় বাস করি, সকাল সকাল সুভোজ্য ভোজন করি,  
দশটা হইতে চারিটা পর্য্যন্ত নিয়মিত পরিশ্রম করিয়া কার্যা-  
বসানে বাসায় আসিয়া শ্রান্তিদূর করি । নাগরিক অপূৰ্ণশোভা  
দেখিয়া নয়ন পরিতৃপ্ত করি । সায়ংকালে যখন জাহ্নবীতীরে  
পাদচারণ করিতে যাই, তখন নানান্বেশে নানান্ মূর্তি,  
নানান্ প্রকৃতির কতশত লোক দেখিতে পাই । কোথাও  
শকটচক্রের ঘর্ ঘর্ শব্দ, কোথাও যোজনব্যাপী বিবিধ যন্ত্রের  
ভোঁ ভোঁ ধ্বনি, কোথাও বাষ্পীয় শকটের দ্রুত গমন শব্দ  
শুনিতে পাই । কোথাও সেতার এসরাঙ্গ মিলিত বামাকর্ষ  
স্বর পথিকের মন মুগ্ধ করে । কোথাও ক্রীড়া, কোথাও হাস্ত  
পরিহাস, কোথাও বা—সমস্ত দিনের পরিশ্রমের পর শ্রমজীবী  
দিগের গান শুনিয়া মনের কতই আনন্দ জন্মে । সম্মুখে সুর-  
ধ্বনী শুভ্রফেনপুঞ্জ বক্ষে ধারণ করিয়া মুহুমন্দ সমীরণ সহ ক্রীড়া  
পরায়ণা বালিকার ন্যায় ভরঙ্গ খেলা খেলিতে থাকেন । ক্ষুদ্র  
ক্ষুদ্র তরঙ্গী মধ্যে সন্ধ্যার দীপ গুলি ভাগীরথীর তরঙ্গান্দোলনে

হুলিতে হুলিতে ভ্রাম্যমান খদ্যোতের ন্যায় অপূর্ণ শোভায়  
 মনোমোহিত করে। এই সকল দেখিয়া শুনিয়া একটু রাত্রি  
 হইলে বাসায় আসি। রাত্রির অপূর্ণ শোভা! নৈশ গগনে  
 সুধাংশুর উদয়! তাহার বিমল কিরণছাল শুভ্র অট্টালিকা  
 পংক্তির অঙ্গে পতিত হইয়া যেন মহানগরীকে হাসাইতে  
 থাকে। অদূরে রাজপথের উভয় পার্শ্ববর্তী শমী ও চম্পক বৃক্ষে  
 সুমন্দমলয় মাক্ৰৎ-সকালন-জনিত পত্র সমূহের মধুর শব্দে শ্রবণ-  
 যুগলের অতুল সুখ জন্মে। এ মহানগরীতে শিক্ষিত বন্ধু  
 বান্ধবের অপ্রতুল নাই। তাঁহাদিগের সহবাসে কত সুখ!  
 সমস্ত দিন পরিশ্রমের পর শয়ান অঙ্গ স্থাপনপূর্বক সুনিদ্রায়  
 ত্রিষায়া অতিবাহিত করি। এখানে এত সুখ, এত সাহা,  
 কিম্ব বলিতে পারি না, তথাপি কেন আমার মন সেই সামান্ত  
 ক্ষুদ্র পল্লীর জন্য এত ব্যথিত হয়? সেই প্রান্তুর বন্ধবিরা-  
 ছিত গ্রামটিকে দেখিবার জন্য কেন এত ব্যাকুল হয়;  
 সেই ভূগাচ্ছাদিত গৃহ সমূহ সাধারণের অপরিচিত গ্রামটিকে  
 দেখিবার নিমিত্ত কেন এত বাস্তু হয়; কেন সেই নির্মল-সলিল  
 নদের জলে স্নান না করিলে শরীর অসুস্থ বোধ করি; প্রাতঃ-  
 কালে বায়ুস দলের কঠোর শব্দ শুনিতে কেন আমার মন  
 প্রধাবিত হয়; গোষ্ঠগামী ধেমুবৎসের হাধাধ্বনি শুনিতে না  
 পাইয়া কেন কষ্ট বোধ করে; কার্ঘ্যানুরোধে দুই প্রহরের  
 রৌদ্রে পদব্রজে ভ্রমণ ও পল্লী পার্শ্বের সেই বটবৃক্ষছায়ার  
 উপবেশন করিতে পাইলেও কেন সুখ বোধ করে; এমন ধূম-  
 ধাম ছাড়িয়া সন্ধ্যা সময়ে কেন সেই দূরস্থিত নীচ লোকদিগের  
 কুটীরনির্গত বালক বৃদ্ধ বনিতাদিগের মিশ্র কণ্ঠস্বর শুনিতে



এত বাগ্ৰ হই ; কেন সেই রামা শ্যামা প্রভৃতি কৃষীদিগের সামন্ত গল্প শুনিতে ইচ্ছা যায় ; সেই পল্লী বা তাহার মিকটস্থ কোম পল্লীর লোকের পরিচয় পাইলে কেন তাহাকে লইয়া আমার দুই দণ্ড কথা কহিবার সাধ হয় ; আমি প্রয়াগ, বারাণসী, অযোধ্যা, বাছবারা প্রভৃতি পবিত্র পবিত্র নগরে, যেখানে সেখানে পরিভ্রমণ করি ; ইংলণ্ড, ফ্রান্স, গ্রীশ, রোম প্রভৃতি পৃথিবীর মধ্যে যত উৎকৃষ্ট স্থানে যাই, যত অপূৰ্ণ শোভা দেখি ; রমণীয় প্রস্ত-বন, সুন্দর ভূধর, কুসুমিত কানন যাহাই দেখি ; ধনেশ্বর, ভূমী-ধর, পৃথীশ্বর যে হই না কেন, তথাপি দিগ্दर्শন যজ্ঞের শলা-কার ন্যায় কেন আমার মন সেই এক দিকেই ছুটিতে চায় ?

এখানে পীড়িত হইয়া চিকিৎসাশাস্ত্রবিদগণ মহামহো-পাধ্যায়দিগের দ্বারা চিকিৎসিত হইলেও কেন সেই নরঘাতক অশিক্ষিত চিকিৎসকদিগের হস্তে প্রাণ হারাইতে যাইতে ভয় হয় না ? বহু দিনের পর সেই স্থানে যাত্রা করিয়া বিংশতি ক্রোশ পথকে কেন বিংশতি পদ বলিয়া বিবেচনা করি ? আর প্রত্যাগমন কালেই বা কেন সেই পথকে বিংশতি সহস্র গুণ বিবেচনা হয় ? কে বলিতে পারে সে স্থানের এমন কি মোহিনী শক্তি আছে ? কি এমন অপূৰ্ণ গুণ আছে ? ভিন্নগ্রামবাসী সেখানে বাইয়া দুই দণ্ড থাকিতে কষ্ট বোধ করেন কিন্তু কেন আমি সমস্ত পৃথিবীর মধ্যে তাহাকে অগ্রগণ্য বলিয়া জ্ঞান করি ? কে ইহার উত্তর দিতে পারেন ? স্বদেশানুরাগী যদি কেহ থাকেন তিনি অবশ্য বলিবেন, সত্য বটে তাহারও মন একরূপ হয় কিন্তু কেন হয়, তাহা তিনি বলিতে পারেন না ; তবে কে বলিতে পারে ? হাঁ মা জন্ম ভূমি ! তুমি কি কিছু বলিতে

পার ? তোমার ক্রোড়ে শয়ন করিয়া কেন আমি জননী হস্তা-  
 বমর্ষণ সুখ অনুভব করি ? তোমার প্রত্যেক বৃক্ষ, প্রত্যেক লতা,  
 প্রত্যেক তৃণ তোমার প্রত্যেক জিনিষকে কেন আমি জগতের  
 তত্ত্বৎ জাতীয় বস্তু অপেক্ষা অধিক রমণীয় দেখি ? তোমার বিহ-  
 স্রম রব, তোমার জল, তোমার অনিল, তোমার চন্দ্র, তোমার  
 সূর্য্য, তোমার সকল সামগ্রীতে আমার কেন এত স্নেহ ? তোমার  
 নিন্দা শ্রবণে কেন আমার অঙ্গ অগ্নিয়া উঠে ? তোমার অঙ্গরাগ,  
 তোমার সৌন্দর্য্য বৃদ্ধি করিয়া তোমাকে ধরাগ্রগণ্য করিতে  
 কেন আমার এত ইচ্ছা হয় ? তোমা সহিত আমার সংস্ক কি ?  
 যখন এই পঞ্চভৌতিক পিঞ্জর ভাঙ্গিয়া “আমি” পলায়ন  
 করিব, যখন সমস্ত পৃথিবীকে ত্যাগ করিব, সেই সঙ্গে তোমা-  
 কেও ত্যাগ করিব । তবে কেন এত ভালবাসা কিছু বলিতে  
 পার ? বিধাতা তোমায় বাকশক্তি দেন নাই, যদি দিতেন বোধ  
 হয় ঠিক এই কথা গুলি বলিতে ;—জননী জঠর হইতে  
 বহির্গত হইয়াই সর্ব্বাগ্রে তোমার ক্রোড়ে আশ্রয় লইয়াছি ;  
 তোমার জলে, তোমার বায়ুতে, তোমার খাদ্যে জীবন ধারণ  
 করিয়া শরীরের ক্রমোন্নতি লাভ করিয়া মনুষ্য নাম গ্রহণের  
 যোগ্য হইয়াছি । যখন ভূগোল পড়ি নাই, যখন আসিয়া,  
 ইউরোপ, আফ্রিকা, আমেরিকা কিছুই খবর জানিতাম না,  
 কোন দেশের কথা শুনি নাই, কোন দেশের লোককে চিনিতাম  
 না, তখন তুমিই আমার সমস্ত পৃথিবী বলিয়া জ্ঞান ছিল,  
 তোমাতে যে কেহ ছিল, সেই আমার প্রথম পরিচিত, সেই  
 আমার বাল্য সহচর । সে সময় যা দেখিয়াছি, তাই কুবৃষ্টি  
 শূন্য অমল মানসদর্পণে প্রতিফলিত হইয়া রহিয়াছে, যা

শুনিয়াছি, তাই আমার কর্ণে লাগিয়া রহিয়াছে, তখন যা দেখিয়াছি, যা শুনিয়াছি তাই দেখিতে, তাই শুনিতে আমি ভাল বাসি। অজ্ঞান বালাকালে তোমাকে বই জানিতাম না তোমা ভিন্ন শুনিতাম না, সুতরাং তোমাকে এত ভাল বাসি। পরিবার পালনের জন্য অর্থ উপার্জন করিতে তোমাকে ছাড়িয়া দূরে আসিয়া পড়িয়াছি, কিন্তু তোমাকে দেখিতে, তোমার আশ্রয়ে থাকিতে আমার বড় সাধ। এই আশীর্বাদ করিও, সংসার জালা যন্ত্রণা এড়াইয়া যখন একটু অবসর পাইব, তখন যেন তোমাকে না বিস্মৃত হই।

### অসার কে ?

“All upstarts insolent in place,  
Remind us of their vulgar race.”

*Gay.*

পৃথিবীতে অসার কে ? মনুষ্যের স্তায় হস্তপদাদি লইয়া মনুষ্য বলিয়া পরিচয় দিবার অযোগ্য কে ? কল্পকাস্তি হইয়াও নিকৃষ্ট অম্পৃশ্য জীব অপেক্ষা হেয় কে ? বিদ্যায় সরস্বতী, বুদ্ধিতে বৃহস্পতি হইয়াও জনসমাজে অনাদরনীয় কে ? বিপুল বিস্তার অধিপতি হইয়াও সমাজের কণ্টক তুল্য কে ? রাজদ্বারে অতুল সম্মানিত হইয়াও সাধারণের অভক্তি ভাজন কে ?

যে ব্যক্তি ভ্রমণে জন্মগ্রহণ করিয়া পরম শোভনীয় বিনয়-গুণে আপনাকে সাজাইতে না পারে, পদগৌরবের পরিমার যে আপন অপেক্ষা নিরপদস্থ ব্যক্তিদিগকে উপযুক্ত সম্মানের সহিত

ব্যবহার না করিয়া মনুষ্য অপেক্ষা নিকৃষ্ট শ্রেণীস্থ জীবের গ্ৰায় জ্ঞান করে, তাহাদিগের সহিত বাক্যালাপে যে আপন মর্যাদার অপচয় জ্ঞান করে ; চাটুকামিতা দ্বারা স্বীয় প্রভুর মনস্তৃষ্টি জন্মাইবার উদ্দেশ্যে ব্যতীত যে ব্যক্তি বিনয় ও শিষ্টাচারের পাঠ অভ্যাস করে না ; যে ব্যক্তি আপনা আপনি বড় হইবার ইচ্ছায় নিয়ত পেচকের ভাব অবলম্বন করিয়া থাকে, আর কেবল স্বার্থ-সিদ্ধির জন্ত উচ্চপদস্থ ব্যক্তিদিগকে সহস্র সহস্র চাটুকামিতা প্রয়োগ করিয়াও তৃপ্তি লাভ করিতে পারে না, যে ব্যক্তি করদৃষ্টি-অবলম্বী, চির পরিধিত বৃদ্ধ, অন্ধ, খঞ্জদিগের বিনয়-প্রার্থনা-বাক্যে কর্ণপাত না করিয়া, তাহাদিগের দিকে দৃষ্টিপাত না করিয়া বারান্দা ভবনে গিয়া সুরাদি মাদক দ্রবোর জন্ত অকাতরে মুক্ত হস্তে অর্থব্যয় করে, পরদুঃখে বাহার মন আর্দ্র হয় না ; অনাথ দীনহীন নিরাশ্রয় বালক বালিকাদিগকে রুদ্ধ জীর্ণ-শীর্ণ অনাবৃত্ত অঙ্গে উদরানের জন্ত ভিক্ষা করিতে দেখিয়া বাহার চক্ষে একবিন্দু অশ্রু না আইসে, পরম ভক্তি-ভাজন ইন্দ্রলোক-দেবতা স্নেহময় জনক ও সাক্ষাৎ মূর্তিমতী করুণা জননীকে যে না মনের সহিত ভক্তি করে, এবং তাহাদিগের সেবার জন্ত আপনার দেহ, মন, এমন কি প্রাণ পর্যন্ত অকুণ্ঠিত ভাবে পরিত্যাগ করিতে প্রস্তুত না হইতে পারে বা তাহাতে কষ্ট বোধ করে ; পতিপ্রাণা সরলা সহধর্মিণীর বিস্কন্ধ প্রণয়ে জলাঞ্জলি দিয়া যে ব্যক্তি পশুজাতীয় আমোদের জন্ত বারবিলাসিনী সহবাস বাঞ্ছনীয় বোধ করে ; যে ব্যক্তি পতিপুত্র বিহীনা স্ত্রী, অনাথ মাতৃ পিতৃ বিহীন বালক বালিকা কিম্বা অপর কোন সরলমনা ব্যক্তিকে প্রবঞ্চনা দ্বারা বিষয়ে বঞ্চিত করিবার জন্ত শঠতা চাল

বিস্তারে, সামান্য অকিঞ্চিৎকর অর্থোপার্জনের তবে অমূল্য  
নরজন্মনার পরলোকসম্বল ধর্ম্মে জলাঞ্জলি দেয়; যে ব্যক্তি  
জগদারাধ্য পরমকরণাকর জগদীশ্বরের বিশ্বাস না করিয়া অকা-  
ত্রে পাপকার্য্য করিতে মনে কষ্টে বোধ না করে; সে ব্যক্তি  
যত বড় বিদ্বান, যত বড় বুদ্ধিমান, যত বড় মানী, যত বড় ধনী,  
যত বড় রূপবান, যত বড় গুণমান্ হউক সে ব্যক্তি অতীব হের,  
অতীব ঘণা, তাহার তুল্যা অসার আর কেহ নাই। তাহার ধন,  
তাহার রূপ, তাহার অঙ্গ শোভা তাহাকেই থাকুক! সে ব্যক্তি  
মনুষ্য শ্রেণীতে গণ্য হইতে, মনুষ্য নামগ্রহণে, যোগ্য হইতে  
কখনই অধিকারী হইতে পারে না।

### সুখী কে ?

“Be happy, then and learn content :  
Nor imitate the restless mind,  
And proud ambition of mankind.”

*Gay.*

একথার মীমাংসা বড় সহজ নহে। এ বিষয়ে নানা মুণিব  
নানা মত। কেহ বলেন ধনী সুখী, কেহ বলেন নির্ধনী সুখী,  
কেহ বলেন সংসারত্যাগী সন্ন্যাসীই সুখী। কিন্তু দেখ অতুল  
অপূর্ন সৌধনিপরবাসী হইতে সামান্য তৃণাচ্ছাদিত কুটীরবাসী  
পর্য্যন্ত সকলেই সুখের অন্বেষণ করিতে বাস্ত; কেহই আপন  
অবস্থায় সুখভোগী নহে। রাজাকে ভিছ্রাসা কর, উদ্ধর  
পাইবে, তিনি রাজ্যশাসনের অসহ্য চিন্তার বাতনা ভোগ

করেন, নির্ধনকে জিজ্ঞাসা কর উত্তর পাইবে, ধন চিন্তার তাহার শরীর মন নিস্তেজ, সংসারের আনার তাহার অস্থি চন্দ্র সার, সংসার তাহার পক্ষে ভার মাত্র, পরলোকই তাহার সকল দুঃখের অবসানালয়, যত্নই তাহার একমাত্র শরণ্য। যদিকে দৃষ্টি নিক্ষেপ কর, যাহাকে জিজ্ঞাসা কর উত্তর পাইবে, সকলেই সুখের জন্ত লালসিত। রাজা সুখের জন্ত রাজ্য শাসন ভার গ্রহণ করেন; বণিক সুখের জন্ত বহুল উত্তালউর্দী সংকুল বারিধি গর্ভ শায়ী পর্বত শৃঙ্গের উপরি বহিত ডাসাইয়া বহু দূরবর্তী মহাদেশে গমন করেন; কেরাণী বাবু সুখের জন্ত ১০টা হইতে ৫টা পর্য্যন্ত সাহেবের বিকট মুখ ভঙ্গি তাড়না সহিয়া গুপ্তশোণিতদেহে মস্তকের ঘর্ষ দ্বারা চরণতল দৌত করেন; ডাক্তার বাবু সুখের জন্ত আপনার স্বাস্থ্য লক্ষ্য না করিয়া আহার নিদ্রা ত্যাগে পরের স্বাস্থ্য জন্ত দিবা রাত্রি ছুটাছুটি করেন; মাষ্টার বাবু সুখের জন্ত ১০টা হইতে ৪টা পর্য্যন্ত অনর্গল বাক্য বায় করিয়া পরের ছেলের জন্ত জানিয়া শুনিয়া কাশাদি প্রাণ নাশক রোগের শরণ লইতে কুণ্ঠিত হয়েন না; পুলিশের বাবু সুখের জন্ত চব্বিশ ঘণ্টা আপনার দেহ প্রভুর নিকট বিক্রয় করিয়া বসিয়া আছেন; কৃষক সুখের জন্ত ভাদ্রের রৌদ্রে, পৌষের শীতে মাঠে মাঠে ভ্রমণ করে; ভিক্ষুক সুখের জন্ত এক মুষ্টি ভিক্ষার তরে গৃহস্থের বাড়ী বাড়ী ভ্রমণ করে; কিন্তু কি আশ্চর্য্য! যে সুখের জন্ত এত কষ্ট, এত লাঞ্ছনা, সে সুখ এক মুহূর্তের জন্তও তাহাদিগকে দেখা দেয় না। এ দুঃখ মানবের দোষে—সুখের দোষে নয়। কোন বিজ্ঞ ব্যক্তি বলিয়াছেন কল্পরিকা স্বীয় নাভি স্থিত সৌরভে

আকুল হইয়া সেই সুরভি জ্ববোর অন্বেষণে নানা স্থানে দৌড়া-  
দৌড়ি করে, অজ্ঞান মানবও তদ্রূপ ভ্রান্ত, সুখরূপ অমৃতা বস্তু  
তাহার অন্তরেই আছে কিন্তু দেখিতে না পাইয়া এদেশ ওদেশ  
নানাদেশ ছুটাছুটি করে।

আমি যে এত কথা বকিয়া আসিলাম, আমার প্রস্তা-  
বোক্ত কথাটির এখনও নীমাংসা হইল না, জগতে সুখী কে ?  
মনে করিলে তুমি আমি সকলেই সুখী। কেহ কেহ বলেন  
যেমন আলোকের নিবৃত্তি অন্ধকার, ঝটিকার নিবৃত্তিই শান্তি,  
সেইরূপ দুঃখের নিবৃত্তিই সুখ। ধনীৰ ধন আছে ধন লাল-  
সার নিবৃত্তি নাই, তিনি সুখী হইতে পারিলেন না; নিধনীর  
ধন নাই, ধন লাগসাও আছে সুতরাং সে কেমন করিয়া সুখী  
হইবে; মধ্যবিত্ত ব্যক্তি দুসক্র্যা দুমুঠা খাইতে পান, কিন্তু ধনীর  
শায় বিলাস ভোগোচ্চার নিবৃত্তি নাই, মধ্যবিত্ত ব্যক্তিও সুখী  
হইতে পাইলেন না; পৃথিবীর সকলেই একাংশের বা অগ্ৰাংশের  
দুঃখ নিবৃত্তি নাই সুতরাং তাহারা সুখী নহে। সৰ্বাংশে  
দুঃখ নিবৃত্ত ব্যক্তি পৃথিবীতে অতি বিরল। সুতরাং এই  
রূপে সুখী ব্যক্তির সংখ্যাও অতি কম। কেহ বলেন, ইচ্ছাব  
পরিপূরণই সুখ। একথা বড় সহজ নহে। কোন্ রাজ্য  
ইচ্ছা নাই যে তিনি সমাগরা পরিচির অধীশ্বর হইলেন, কোন্  
বনিক না কুবেরস্থ পাইতে অভিলষী, কোন্ মধ্যবিত্ত ব্যক্তি  
ইচ্ছা না করেন যে তিনি অতুল ঐশ্বর্যশালী হন, কোন্ নিধ-  
নের ইচ্ছা নাই যে সে ধনী হয়। তবে কাহারও ইচ্ছার পরি-  
পূরণ হইল না, সুতরাং কেহ সুখী হইতে পারিল না। তবে  
যে ব্যক্তি আপন অদৃষ্ট পরিহৃত্ত থাকিয়া নূতন সত্য সুখ

না করিয়া ক্ষান্ত থাকিতে পারে সেই সুখী, যাহার আভাব থাকে সে কখন সুখী হইতে পারে না । আভাব সৃজন মানব মনের স্বভাবসিদ্ধ ধর্ম । যাহার সংসার স্বচ্ছলে চলে, পরিবারের ভরণ পোষণ জন্য যাহাকে স্বদেশ ছাড়িয়া দেশান্তরে অর্থো-পার্জন কর্তব্য হইতে না হয়, পরের সৌভাগ্য দর্শনে যাহার মনে হিংসার উদ্রেক না হয়, ধর্মের সরল পরিষ্কার পথ ছাড়িয়া যে ব্যক্তি ভ্রমেও অধর্মের নিকে পদার্পণ না করে, যে ব্যক্তি দিনান্তে ধর্ম চিন্তার পর আপনার ক্ষুদ্র পরিবার ভুক্ত সকলকেই প্রফুল্ল মুখে দেখে, সে ব্যক্তির অপূর্ব অট্টালিকা, অতুল ঐশ্বর্য্য, দাস দাসী না থাকিলেও সে পরম সুখী । কিম্বা যে ব্যক্তি সংসারের মায়া ষোহ একেবারে কাটাইতে পারে, যাহার মন সংসার পিঞ্জরের চাকচিক্যের দিকে একবারের জন্তও ফিরিয়া চায় না, কেবল পবিত্র সংক্রিয়া সলিলে অবগাহন করিয়া ইহজন্ম সার ঐশ্বর-তত্ত্ব-সুখা পানে নিযুক্ত থাকিতে পারে সেই ব্যক্তিই সুখী । এই মহা মন্ত্রে দীক্ষিত হইয়াই ঐশ্বর্য্যবতার বুদ্ধদেব নবীন কৈশোর দশায় পিতা, মাতা, স্ত্রী, রাজ্য, ধন পরিত্যাগ করিয়া জগৎ মাতাইয়া গিয়াছিলেন । তাই বলি যদি সংসারে থাকিয়া সুখী হইতে চাও বিলাস ভোগ বাসনা পরিত্যাগ কর, মোটা ভাত মোটা কাপড়ে সন্তুষ্ট থাক, প্রাণান্তেও অবস্থাতিরিক্ত লোভ করিও না । যদি কর, জানত আশার নিবৃত্তি নাই, লালসা শিখা উত্তেজনা পাইয়া উত্তরোত্তর প্রজ্জলিত হইতে থাকিবে, দিন দিন জ্বালা বাড়িবে, পুড়িয়া ভস্ম হইয়া যাইবে, শান্তি কেমন জানিতেও পারিবে না ।



“ Whatever we do, we should keep up the cheerfulness of our spirits, and never let them sink below an inclination at least to be well pleased. ”

*Addison.*

আমি নির্ধন ;—আমার ধন নাই, আমি ভুলোকে ইন্দ্রালয়-প্রতিম অট্টালিকায় শয়ন করিতে পাই নাই ; অমৃতাদি সুর-ভোজ্যের মত দ্রব্যাদি ভক্ষণ করিয়া রসনা তৃপ্ত করিতে পারি নাই ; সুকোমল সুখশয্যায় অঙ্গ বিস্তার করিয়া নিদ্রা যাইতে পাই নাই ; তারকাকুল-গঞ্জনা অমূল্য-রত্ন-রাজি-খচিত সুরম্য পরিধানে অঙ্গ আবরণ করিতে পারি নাই ; মত্ত হইয়া বিজাতীয় সুখ ভোগ করিতে পারি নাই । আমি তৃণাচ্ছাদিত সামান্ত গৃহে বাস করি ; অর্দ্ধ-পক শাকাম্নে জীবন ধারণ করি ; বন্ধুর শয্যায় শয়ন করিবা মাত্রই অঘোর নিদ্রায় অভিভূত হই ; ভৃত্যসঞ্চালিত পাখার বাতাসে, সুগন্ধ গোলাপ কপূরবাসিত জলে মস্তক ভিজাইয়া আমাকে নিদ্রাদেবীর উপাসনা করিতে হয় না ; আমি সাটিন কিংখাপের পোষাক পরিধান করিতে পাই নাই, কাশ্মীরি শাল ডবল চোগা গায়ে রাখিয়া, পায়ে মোজা হাতে দস্তানা পরিয়াও পোষের শীতে আমাকে কম্পিতাঙ্গ হইতে হয় নাই, মোটা লংক্রাথের চাদরের নীচে একটা সাদা পিরান দিয়া আপন দুঃখ চিন্তা করিয়া বেড়াই । আমার প্রয়োজন হইলে দশ ক্রোশ চলিয়া গিয়া থাকি । আমি সামান্ত বারান্দনা প্রণয়ে বিমুগ্ধ হইয়া হতসর্কস্ব হইতে জানি নাই, কিন্তু সাংসারিক চিন্তায় একটু কষ্ট বোধ হইলে অলোক-মাধুরী আশা-সুন্দরীকে লইয়া নিভূতে বিহার করিতে পাই ।

কখন সুরাপান করি নাই, অবকাশ পাইলে ঈশ্বর-তত্ত্ব-সুধা পান করিয়া বিভোর হই, ইহাতে আমাকে কেহ মাতাল বলে বলুক—তায় ক্ষতি কি? ধনীতে আমাতে অনেক প্রভেদ, তবে কি আমি সুখী নই? আমি প্রাতঃকালে উঠি, সমস্ত দিন খাটি, ছুটাকা পাই, তাহাতে পরিবার প্রতিপালন করি; সায়াছে দৈনিক কাজ সমাপন করিয়া কুটীরে আসি, সহধর্মিণী সমস্ত দিন অদর্শনের পর আমাকে দেখিতে পাইয়া অবগুষ্ঠন মধ্যে মুখ খানি লুকাইয়া একটু মৃদু হাসি হাঁসে, প্রিয় পুত্রগণ পরম্পরে ভালবাসা পাইবার হিংসা করিয়া দৌড়িয়া আসিয়া কেহ কাপড় ধরে, কেহ কোলে উঠিতে চাহে, কেহ তাহা না পাইয়া তাহার প্রসূতির পানে চাহিয়া কাঁদিতে থাকে। তাহাদিগকে সাহসনা করিয়া মুখ হাত ধুইয়া পাড়া প্রতিবাদী যদি কেহ না জুটিল, তবে গৃহিনী গৃহ মধ্যে অন্ধাবগুষ্ঠনে, আর আপনি বাহিরে ছোট ছোট ছেলে গুলিকে লইয়া নানা গল্প করি, আবশ্যক হইলে সেই গল্পে কোন ছেলেকে ভয় দেখাই, কাহাকেও হিতোপদেশ প্রদান করি, এবং মধ্যে মধ্যে গৃহিনীর মনরক্ষার জন্য, ছেলেরা না বৃদ্ধিগেও তাহাদিগকে উপলক্ষ করিয়া, রাজকন্য়ার সহিত নগরপালের প্রণয় ও তাহার বীভৎস পরিণামফলের কথা গল্প করি। মেরুপ শান্তির সময়ে আমাকে লাঠি গঙ্গামণ্ডলের খাজানা না দেওয়া ও প্রজা সকলের অবাধতা নিবারণের উপায় স্থির করিবার জন্য উকীল ব্যারিষ্টারের বাজী দৌড়াদৌড়ি করিতে; বা পরিবারস্থ কোন ভ্রাতাকে পরিণামে পৈতৃক সম্পত্তি লাভে বঞ্চিত করিবার জন্য উকীল-মন্ত্রি হইতে হয় না; কিম্বা সমকক্ষ কাহাকেও অধঃকৃত করিবার জন্য

আমি শরীরের শোণিত গরম করি না । আমার অবস্থা কাহারও হিংসনীয় নহে । আমার মৃত্যুতে সমাজের উচ্চ শ্রেণীর কোন লোকের উন্নতির পথ উন্মুক্ত হইবে না, বা নিম্ন শ্রেণীস্থ কাহারও আত্মদান জন্মিবে না । আমি উভয়ের কাহারও মধ্যে নাই, বরং শারীরিক শ্রমে সাধারনসারে ভাল করিতে পারিলে ছাড়ি নাই । এই কোলাহল পূর্ণ মহা ধূমধামের জগতে আমার নাম চকারবে বাজে নাই, বাজাইতেও চাই না । স্মৃতরাং আমার মৃত্যু আমার পরিবারবর্গ বা দুই চারি জন প্রতিবাসী ব্যতীত কেহ জানিতে পারিবে না । ইহাতেও আমি সুখী ; আমার তুল্য সুখী জগতে কেহ আছে কি না ভাবিয়া স্থির করিতে পারি নাই । সেই বিশ্বশ্রুতি, সর্বনিয়ন্তা পরমপুরুষকৃত যে যে বস্তু, তাহাতে সাধারণের সমান অধিকার আছে, তাহার কাছে কি ধনী, কি নির্ধন, সকলেই সমান । তাহার সৃষ্ট শাস্তিদায়ক সূক্ষ্ম মলয়ানিল, সুখদ রবিকিরণ, কুসুম সৌরভ, শ্রবণানন্দ দায়ী বিহঙ্গম গান, যাবতীয় বিশ্বশোভা তাহার বিশ্বরাজ্যের সকল প্রকারই সমভোগ্য । তিনি মনুষ্যকে যাহা যাহা প্রদান করিয়াছেন তাহাই প্রকৃত সুখের উপাদান । এই স্বাভাবিক সুখে সকলেই সুখী হইতে পারে । সংসার বিরাগী সন্ন্যাসীর ধন কোথায় ? ঐশ্বর্য্য কোথায় ? রম্য অট্টালিকা কোথায় ? সুখ শয্যা কোথায় ? তবে কি সে আপন অবস্থার সুখী নয় ? অর্থেই ঐহিক সুখ যে বলে বলুক, যে অনর্থ অর্থ-স্বপ্নে অমঙ্গলের দ্বার মুক্ত করিতে চায়, করুক ; তাহার সুখ তাহাকেই থাকুক ; আমি তেমন সুখ চাই না । আমি বলি, আমার মত নির্ধনই সুখী ।

## কে কার ?

কস্তে কাস্তা কস্তব পুত্রঃ

সংসারোহর মতীৰ বিচিত্রঃ

মায়ামরমিদ মখিলং দিহা

ব্রহ্মপদং প্রবেশামুবিদিত্বা ।

সকলই পরিবর্তনশীল ;—ইহ জগতে কিছুই চিরকাল এক-  
রূপ দেখিতে পাওয়া যায় না। ক্ষুদ্রতম কীটাণু হইতে প্রকাণ্ড  
ভ্রম্মী পর্য্যন্ত, এবং সূক্ষ্মতম পরমাণু হইতে পৃথিবী, চন্দ্র, সূর্য্য,  
গ্রহ নক্ষত্র পর্য্যন্ত যা কিছু দেখ কিছুই চিরদিন সমান থাকে  
না। কাল সহকারে প্ৰভোর জলধিগর্ভ গিরি শৃঙ্গ, এবং গিরি  
শৃঙ্গ জলধিগর্ভে পরিবর্তিত হইতেছে। সিংহ শাব্দীলাদি বৃহৎ-  
কার ভূজঙ্গমসমাকুল নিবিড় অরণ্যে সুরম্য সৌধে এবং  
সুচিকণ চিত্ররঞ্জন সুরভবন তুল্য হর্ষ্যরাজি বিরাজিত জন-  
স্থানও ভ্রম্মণ কাস্তারে পরিণত হইতেছে। আবার তৃণ ভল  
শুণ্ড ভয়াল মরু প্রদেশ ও পল্লী পংক্তি পূর্ণ হইতেছে এবং কৃষি-  
যোগ্য হরিষ্ণ ক্ষেত্র বেষ্টিত জনস্থানও মরুভূমি হইতেছে।  
নদী শস্ত্র ক্ষেত্র হইতেছে ; শস্ত্র ক্ষেত্র নদী হইতেছে। যা কিছু  
দেখ, কালে কিছুই এক প্রকার থাকে না। এই যে অসীম  
ভ্রম্মণ, চন্দ্র, সূর্য্য নক্ষত্র সকল দেখিতেছ, অতি বড় বিচক্রণ  
দাশনিকেরাও যাহার বিষয় আজি পর্য্যন্ত অবধারিত করিতে  
পারেন না, কালে সকলই বিনষ্ট হইবে। যে বস্তু সৃষ্ট হই-  
য়াছে নিশ্চয়ই তাহা নষ্ট হইবে ; তাহা কোনমতে কাহারও  
ঘাতা ষণ্ডিত হইবার নহে। যাহার জন্ম হইয়াছে, নিশ্চয়ই

তাহার ধ্বংস হইবে। ক্ষুদ্র মক্ষিকা, তুমি, আমি যখন জন্ম গ্রহণ করিয়াছি তখনই মৃত্যু অবধারিত হইয়াছে। আজি হটক কালি হটক তাহা ঘটবেই ঘটবে ;—এই ভঙ্গুর দেহকে যত যত্ন কর, যতই সাজাও, যতই যা কর—কোনমতে চিরস্থায়ী হইবার নহে। এক দিন না এক দিন প্রাণ পক্ষী দেহ পিঞ্জর কাটিবেই কাটিবে। পক্ষীকে যত কেন ভালবাস না, যত কেন যত্ন কর না, যত কেন উপাদেয় খাদ্য দাওনা কিছুতেই পোষ মানিবার নহে। গৃহস্থের পোষা পাখী একবার শিকল কাটিলে, একবার উড়িলে, প্রতিপালক মিষ্টস্বরে তুষ্ট করিয়া ডাকিলে, আহার দেখাইলে লোভে পড়িয়া ফিরিতে পারে, কিন্তু এ পাখী একবার উড়িলে কোথায় যাইবে দেখিতে পাইবে না ; প্রতিপালক হাজার ডাকুক, হাজার মিনতি করুক, পাখী ভগ্ন পিঞ্জরের দিকে বারেক চাহিয়াও দেখিবে না—উধাও হইয়া কোথায় যাইবে তাহার ঠিকানা করিতে পারিবে না। ভাই, ভগিনী, স্ত্রী, পুত্র, বন্ধু, বান্ধব সকলকে ফাঁকি দেখাইয়া তুমি চলিয়া যাইবে, কেহই তোমায় রাখিতে পারিবে না। ভাই ভগিনীর মেহ, প্রিয়তমা প্রেয়সীর প্রণয়, প্রাণাধিক পুত্রকন্যার সুন্দর আনোর মধুর হাস্য, প্রাণ সম বন্ধু বান্ধবের মিষ্ট সম্ভাষণ কিছুতেই তুমি ভুলিয়া থাকিবে না। প্রাণপণ যত্নে প্রভূত অর্থব্যয়ে ভাল পছন্দ করিয়া মনের মত যে শয়নগৃহ রচনা করিয়াছ, সুরমা ফল লাভের আশায় বাল্য কিছা কৈশোরে, যে সকল বৃক্ষাদি রোপণ করিয়াছ, সে সময় ছাড়িয়া যাইতে কত কষ্ট, কত দুঃখ বোধ হইবে, কিন্তু কিছুতেই তুমি ফিরিতে পারিবে না। তোমাকে এসকল ছাড়িয়া যাইতেই হইবে--তোমার

আম্মীর বন্ধু বান্ধব তোমার সেই অসহ্য বদ্বগার কেহই অংশ লইবে না, কেহই তোমার সহিত যাইতে ইচ্ছা করিবে না । যে পরিবার প্রতিপালনের জন্ত তুমি বৈশাখের হ্রস্ব রৌদ্রে ঘর্ম্মাক্ত দেহে ; পৌষের তুঃসহ শীতে কম্পিত কলেবরে প্রাণ পর্য্যন্ত পণ করিতেছ, তাহারা তোমার কোথায় থাকিবে ? তোমার দেহ হইতে প্রাণ বায়ু বাহির না হইতে হইতেই তোমাকে স্পর্শ করিতে ঘৃণা করিবে, তখন তাহারা আপনাপন কল্যাণের জন্ত তোমার মৃত দেহের শত হস্ত অন্তরে দাঁড়াইবে । যত বড় ধনী হও, যত অর্থ সঞ্চয় কর, যত বড় সুখী হও, যত সৌখিন হও,—সেই সময়ে, তোমার স্বর্ণকাস্তি দেহের লাবণ্য ঘুচিয়া মলিন হইবে, যে সূক্ষ্ম কেশ গুচ্ছে সূগন্ধি দ্রব্য লেপন করিতেছ তাহা ধূলি ধূসরিত হইবে ; যে অঙ্গে কণ্টক বিদ্ধ হইলে সমস্ত দিন কত কষ্টে আতিবাহিত হয়, সেই সোণার দেহ প্রজ্জ্বলিত চিতায় আরোপিত হইবে । সমস্ত সম্পত্তি, সমস্ত বিষয় বিভব পড়িয়া থাকিবে, কিছুই সঙ্গে যাইবে না । যেমন আসিরাহু তেমনি চলিয়া যাইবে । বলিতে পার জগতে তোমার যত প্রিয়বস্তু আছে তাহাদের কিছু কি তোমার সঙ্গে যাইবে ? যখন তোমার হৃদয়ে ঘনঘন খাস বহিতে থাকিবে, ইন্দ্রিয়গণ অবশ হইবে, যে চক্ষে একবার ঝাপসা দেখিতে কষ্ট বোধ কর, যে কর্ণে একটু শ্রবণ হ্রাস হইলে অশেষ যাতনা মনে কর, যে ত্বকের স্পর্শ শক্তি হ্রাস হইলে কত অসুখ জন্মে, যে হস্ত পদাদি কিছুক্ষণ অবশ থাকিলে জীবন কেবলমাত্র বিড়ম্বনা বোধ কর, সে হস্তপদাদি একবারে অসাড় অনড় হইলে কত যাতনা ! যে পুত্র বস্তা, আম্মীর স্বজনদিগকে ছাড়িয়া

কিছুদিন বিদেশে থাকিলে তাহাদিগের পুনর্দর্শনের জন্য অশেষ আগ্রহ জন্মে, তাহারা সকলে সজল নয়নে রোদন করিতে থাকিবে, আর তাহাদিগকে জন্মের মত ছাড়িয়া তোমাকে কোন্ অপরিচিত স্থানে ঘাইতে হইবে, মনে কর সে সময় কি ভয়ানক ! এমন ঘোর বিপত্তিকালে যদি কেহ তোমার সহায় নাই, তবে কে তোমার আপনার ? যদি তুমি তোমার কোন আত্মীয় ব্যক্তির মূর্ধ্ব কালে তাঁহার নিকটে দণ্ডায়মান হইয়া অশ্রু বিসর্জন করিয়া থাক ; বল দেখি, তাঁহাকে তোমার যতই কেন আপনার বলিয়া পরিচয় দাওনা, তাঁহার সেই অসহনীয় বহুগাজনিত অশ্রুবিকৃতি দেখিয়া তোমার কি মনে আসের সঞ্চার হয় না ? স্নেহের পরাকাষ্ঠা নিবন্ধন যদিও মনে কর নিজ জীবন দানেও আত্মীয়ের ঘাতনা দূর করিতে কুণ্ঠিত নও, কিন্তু প্রকৃত প্রস্তাবে তৎক্ষণাৎ তোমার তাদৃশ অবস্থা উপস্থিত হইলে আত্মজীবন উৎসর্গ করিতে পার ? বোধ হয় কখনই নয়। তবে তুমিই বা কাহার ? তাই বলি এ জগতে কেহ কাহার নয়। আচ্ছা ;—তবে কি মানবের এ হৃদৈবের সময়ে আপনার বলিতে কেহই নাই ; বেশ করিয়া দেখ—যদি পরম ভক্তিতাজন ভুলোক-দেবতা জনক জননী, প্রিয়তম পুত্র কন্যা, প্রণয়প্রতিমা বনিতা কেহই থাকিবে না, তবে আর কে থাকিবে ? সেই অতি বিপদের দিনে, সেই পরম পুরুষ যিনি জননিজঠর হইতে তোমাকে, আমাকে, রাজাকে, সমস্তাবে রক্ষা করিয়া আসিতেছেন তিনিই সে সময় বিপদে নিরাপদ করিবেন।

## বৌবনে বাল্যের অনুশোচনা ।

“ Hours of my youth ! when, nurtured in my breast ;  
To love a stranger, friendship made me blest ;—  
Friendship, the dear peculiar bond of youth,  
When every artless bosom throbs with truth. ”

*Byron.*

আমি যুবা ; বাল্যকাল অতিবাহিত করিয়াছি ; শরীর ও হস্ত পাদাদি অবয়ব পূর্ণবস্থা প্রাপ্ত হইয়াছে । কেহ আমাকে দেখিলে আর ছোকরা বা বালকটী বলে না ; এখন আমি মনুষ্যের মধ্যে গণ্য হইয়াছি ; ছেলে বেলায় পরিবারস্থ অশ্রান্ত সকলের উপর বাপ, খুড়া, দাদা মহাশয়দিগের কর্তৃত্ব ও সকল কার্যে তাঁহাদিগের স্বাধীনতা দেখিয়া, বড় হইবার যে সাধ হইত, এখন সে সাধ মিটিয়াছে । দশ টাকা উপায় করিতে শিখিয়াছি, বাল্যকালে সামান্য অর্থানাটন জন্ত কর্তৃপক্ষের নিকট প্রার্থনা করিলে, সে প্রার্থনা যদি না পূর্ণ হইত, মনে কত কষ্ট বোধ করিতাম, এখন সে সকল অভাব নাই । যাহার অভাব নাই তাহার অমুখ কিসের ? তবে আমি সুখী ? একজন ছেলে মানুষকে জিজ্ঞাসা করিলে সে হয়ত উত্তর দিবে “ হাঁ ” কিন্তু বাস্তবিক তাহা নহে, তাহার সম্পূর্ণ বিপরীত ; সত্য বটে হস্তপদাদি বর্জিত হওয়ায় মনুষ্য নামের যোগ্য হইয়াছি, কিন্তু কিসে নামের অমুযায়ী কার্য্য করিয়া তৎপদের গৌরব রক্ষায় সমর্থ হইব, অর্থাৎ সংক্ষেপে থাকিয়া সদাচার দ্বারা সংপথাচারী সাধুপুরুষদিগের



## যৌবনে বাল্যের অনুশোচনা । ২৭

প্রীতিভাজন হইতে পারিব, কি উপায়ে সেই সর্বনিয়ন্তা পরাংপর পরম পুরুষের মঙ্গলকর নিয়ন সমুদায় সুপালন করিয়া অধর্মের আপাতসুখদ পথে পদার্পণ করিয়া পাছে পরিণামে অনির্মোচ্য বিপজ্জালে জড়িত হইতে হয়, এই চিন্তায় সদা শঙ্কিত থাকিতে হইয়াছে। স্বাধীনতার লেশ মাত্র নাই, অর্থোপার্জনের জন্ত অতীব অশ্রদ্ধেরও উপাসনা করিতে হয়। দশ টাকা উপার করিতে শিখিয়াছি সত্য, কিন্তু তাহাতে এখনকার অভাব পূরণ হয় না। যে সংসার কাননের মহীকুহ সমূহের রবিকর-বিরোধী ঘনপল্লবিত শাখাগ্রে নয়নাভিনন্দন কুসুম দামের অসামান্য শোভা দর্শন করিয়া সুমন্দ মলয়ানিগ বাহিত সুরভি সেবনে শরীর জুড়াইবার আশায় দূর হইতে দ্রুতপদে আসিতেছিলাম, তাহা বিফল হইল; নিকটে আসিয়া দেখি সিংহ শাব্দুলাদি হিংস্র ভক্তিতে অরণ্য পরিপূর্ণ; মনুষ্য দেখিলে তাহার বিকটাত্তভঙ্গিতে ভয় দেখায়। তাহাদিগের ক্রকুটী দর্শনে শোণিত শুষ্ক হইয়া যায়। যে কমনীয় কুসুম-শোভায় মোহিত হইয়া ঔৎসুক্য সহকারে দৌড়িয়া আসিলাম, নিকটস্থ হইয়া দেখি তাহা গন্ধ-বিগীন; যৌবনের সুখ কিছুই দেখিতেছি না। দূর হইতে যাহা দেখিয়াছিলাম, শুনিয়াছিলাম—সে সকলেই অলীক; এখন সংসার-ভারের কাতর, ধন-চিন্তায় মন নিয়ত বিব্রত, বিষয় কার্যে সর্বদা বাস্ত, ক্ষণমাত্র বিশ্রাম নাই; তবে শাস্তি কোথায়? মন আর বাল্যকালের স্বায় নিৰ্ম্মল নাই; নানা প্রকারে কলুষিত হইয়া পড়িয়াছে, সংসারের অসার অশুষ্ঠানে বাহিবাস্ত হইয়া উঠিয়াছে। কুচিন্তা, কদাচারকল্পনা মনোমধ্যে লক-প্রবেশ হই-

রাছে । এখন বাল্যকালের কথা মনে পড়িতেছে, সে সময়ের অমল সুখস্বাদ অনুভব করিতে না পারিয়া অতীত অনুশোচনা করিতে হইতেছে ; সে অনুশোচনার ফল কি ? হুঃখ বৃদ্ধি করা বই আর কিছুই নয় । এটা মনের স্বভাব-সিদ্ধ গুণ, না করিয়া থাকিতে পারে না ; বাল্যকালের সরলতা, সামান্য অশম বসনে অতুল আনন্দ, সামান্য আমোদে মুখভরা হাসি, সামান্য কষ্টে চীৎকার রোদন, আবার সামান্য সাস্থনার পর-ক্ষণেই তাহার নিবৃত্তি, হয়ত সেই সঙ্গে একটু হাসি, মনে পড়িতেছে । তখন দুর্কিসহ সংসারভারবহনের চিন্তা ছিল না ; কাজ কর্মের তাড়া ছিল না, উদর পুরিয়া আহার করিতে পাইলেই মনটা খুশী হইত ; নাচিয়া খেলিয়া বেড়াইতাম । তখন কাজ না করার জন্য কাহাকেও কৈফিয়ৎ দিতে হইত না ; কাহার দশ টাকা দেনা থাকিলে তাহার তাগাদা ছিল না ; স্ত্রী পুত্রদিগের অভাব পূরণ জন্য চিন্তা করিতে হইত না ; অর্থের জন্য আজি এখানে, কালি সেখানে দৌড়াদৌড়ি করিবার আশ্রক ছিল না ; ভাল মন্দ কিছুই জানিতাম না, সুতরাং দিবা সুখ ছিল । বিদ্যালয়ের কথা মনে করিলে আর কিছু থাকে না ; প্রাতঃকালে উঠিয়া পাঠাভ্যাস, পাঠাভ্যাসের পর আহার করিতে বসিয়াছি এমন সময় রাম কি শ্রাম বিদ্যালয়ের বস্ত্র পরিধান করিয়া উপস্থিত ; বেলা হইরাছে, তাড়া-তাড়ি করিয়া আহার করিয়া বহী লইয়া পুঙ্গনীঘাটে আচমন করিয়া ছুটাছুটা বিদ্যালয়ে গমন,—তথায় গিয়া শিক্ষক মহাশয়ের নিকট পাঠ বলিবার সময় সহাধ্যায়ীদিগকে অধঃকৃত করিবার জন্য অশেষ চেষ্টা ;—চেষ্টার অকৃতকার্য হইলে আন্ত-

## যৌবনে বাল্যের অনুশোচনা । ২৯

রিক ছুঃখ ; খেলিবার বিদায় পাইলে সমু বয়সীদিগের সহিত আমোদ আহ্লাদ নানা প্রকার খেলা, স্কুলের ছুটী হইলে হাশু মুখে বাহির হইয়া নানা কথা ; নানা গল্প করিতে করিতে বাটী প্রত্যাগমন, ইত্যাদি যখনই মনে হয় তখনই ইচ্ছা যায় যদি কোন উপায় থাকিত, পুনরায় সেই বাল্য কাল-স্মৃতি বিমল সুখভোগের উদ্যমে কোন মতে ক্ষান্ত থাকিতাম না । কিন্তু তাও বলি যদি কোন উপায় থাকিত তাহা হইলে এরূপ অনুতাপ জন্মিত না, আর এমন ইচ্ছাও হইত না । বাল্যকালীন মনের তুলনা মিলে না । যদি বল স্বচ্ছ সরোবর ? না—সরোবরের তল পঙ্কিল ; নিশ্চল সৌত-স্বতী ? না তাহারও স্থানে স্থানে শৈবাল আছে । মেঘ-শৃঙ্খ শরদ-গগন বা স্ফটিকের সহিত বরং এক দিন উহার তুলনা হইতে পারে । তখন মনে শান্তি, সরলতার বিনয় জ্যোতি সুপ্রকাশিত ছিল, পাপপ্রবৃত্তির সঞ্চার মাত্র ছিল না ; তাই সামান্য আলাপে, সামান্য পরিচয়ে অল্পক্ষণ মদ্যেই সম-বয়সীর সহিত প্রণয় জন্মিত । আবার এমনি চমৎকার ব্যাপার ! সেই বকুতা, সেই প্রণয়, প্রস্তরাক্ষের ত্রায় সহজে ঘুটিবার নহে, যদিও কথাস্তরে কখন দৈবাৎ বৈপরীত্য ঘটিত তাহাও দীর্ঘ স্থায়ী হইত না । সংসার-জালা এমনি যন্ত্রণাদায়ক যে এখন সেই সকল বাল্য-স্মৃতিদিগের কোথায় কে তাহার ঠিকানা নাই ; প্রায় সকলেই অর্থ লাভের জন্ত নানা স্থানী ; দীর্ঘকাল পরে তাহাদিগের সাক্ষাৎ হইলেও হইতে পারে, নতুবা তাহাদিগের অদর্শনেই হয়ত চিরজন্ম কাটিয়া বাইবে । উচ্চ পদাভিষিক্ত হইয়া এরূপ পরিচিতের সহিত যে মুখ ভূগিয়া

কথা কয় না, বা চিনিয়াও চিনিতে পারে না, তাহার তুল্য  
নরাধম জগতে আর নাই। ছেলে বেলায় পাঁচ জনে একত্র  
হইয়া যে কথা বার্তায় হাস্য পরিহাস করিতাম, অবকাশ কালে  
যে নির্দোষ আমোদ আফ্লাদ করিতাম, তাহাতে যে সুখ পাই-  
তাম, এখন তাহা স্মৃৎলভ। সে সুখ ভোগ বিধাতা অদৃষ্টে  
আর লেখেন নাই।

### অদৃষ্ট ।

জানামি মর্শ্বং নচমে প্রবৃত্তিঃ  
জানম্য মর্শ্বং ন চ মে নিবৃত্তিঃ ।  
ত্বয়া হৃষীকেশ হৃদিস্থিতেন  
যথা নিযুক্তোহস্মি তথা-করোমি ॥

সকলেই পাগল দেখিয়াছেন ; পাগল কখন হাসে কখন  
কঁাদে, কখন লোককে গালাগালি দিয়া ব্যতিব্যস্ত করে, কখন  
হাজার ডাকেও উত্তর দেয় না ; পাগলের আপন পর, পাত্রা-  
পাত্র জ্ঞান থাকে না। স্ত্রী সুন্দরবপু জ্ঞানবান্ ব্যক্তিকে সে  
হয়ত নিকটে যাইতে দেয় না, কটুক্তি করিয়া তাহার মর্শ্ব-  
পীড়া জন্মায়, না হয় দৌড়িয়া তাহাকে কামড়াইতে উদ্যত হয় ;  
আবার কদর্যাঙ্গ বিকৃতি অসত্য ব্যক্তিকেও সাদর সম্ভাষণে  
নিকটে লইয়া বসায় এমনও দেখা যায়। বায়ুর বিচিত্র গতি ;—  
পাগলের মুখে ছাই। যে আশ্চর্যবিশ্বত, আপনাকে চিনে না,

আপনার গৌরব জানে না, কিসে ভাল, কিসে মন্দ, বুঝিতে পারে না, সে মনুষ্য মধ্যোই নহে । পূর্বেই বলিয়াছি পাগলের কিছুই ঠিক নাই । আমরা যাহাকে অদৃষ্ট বলি সেও ঠিক সেই রূপ, অদৃষ্ট এই প্রকৃতির হইলেও রাজা প্রজা, ধনী নিধন, বালক বৃদ্ধ, যুবক যুবতী, সকল ব্যক্তিতেই ইহার অধিকার আছে ; অদৃষ্ট ছাড়া মনুষ্য নাই ; অদৃষ্ট দেখিতে পাওয়া যায় না, মনুষ্য দেহের কোন্ স্থানে আছে জানিতে পারা যায় না ; কার্য দেখিয়া তাহার অনুমান । হিন্দু, খৃষ্টান, মুসলমান, যিহুদী সকলেই অদৃষ্টে মানেন, সকলের অদৃষ্ট সমান নহে, এবং চির দিন সমান থাকে না ; মনুষ্যের অদৃষ্ট কখন কেমন হয় তাহার ঠিক নাই ; কালি যাহাকে সুধাধবলিত রম্য সৌধশিখরে দাস দাসীর পরিচর্যায় রাজভোগে থাকিতে দেখিয়াছি, আজি সে সর্বস্বান্ত, পর প্রত্যাশী, পথের ভিখারী । পক্ষান্তরে কালি যাহাকে একমুষ্টি তণ্ডুলের জন্ত দ্বারে দ্বারে ভিক্ষার্থী হইয়া গৃহস্থ-গেহিণীর সরোষ বচন শ্রবণে ক্ষুব্ধমনে বেড়াইতে দেখিয়াছি, সে হয়ত আজি লক্ষপতি ;—শত শত ব্যক্তি তাহার সেবায় নিযুক্ত, দ্বারে প্রহরী উলঙ্গিত অসিহস্তে দণ্ডায়মান, তাহার সহিত সাক্ষাৎ করিতে হইলে উপরোধ অনুরোধ আবশ্যক, নতুবা দেখা পাওয়া ভার ! কিছু দিন পূর্বে যাহাকে বহু পুত্র পৌত্র পরিবারবর্গে বেষ্টিত হইয়া অতুল ঐশ্বর্য্যে কাল যাপন করিতে দেখিয়া ধনপুত্র লক্ষ্মী লাভে পরম ভাগ্যবান পুরুষ বলিয়া আসিয়াছি, আজি সে সমস্ত পুত্র পৌত্রকে ছরস্ত কালের স্তম্ভীক দশনাগ্রে তুলিয়া দিয়া অত্যাগার একশেষ ;—শোকে অন্ধ ; ধন আছে, জন নাই, কে

তাহা ভোগ করিবে ? হয়ত সে ধন তাহার নিধনের কারণ হইবে । ধনলোভে কে কোন্ দিন তাহাকে ইহলোক হইতে হয়ত বিদায় করিয়া দিবে—তাহা বিচিত্র নহে । সমুদায় জীবনে যে নানা প্রকার অবস্থা পরিবর্তন ; কেহ দুঃখে ডুবিতেছে, কেহ সুখে ভাসিতেছে, সে সমুদায়ই অদৃষ্টের খেলা । এই নিয়ত পরিবর্তনশীল জগতে এমন কেহ নাই যে তাহাকে অদৃষ্টের ক্রীড়নক হইতে না হইয়াছে । অদৃষ্টের সুপ্রভতাতেই আজি ইংরেজ জগৎ-পূজা, চন্দ্র সূর্য্য বংশের সর্ক সর্কা হইয়া তাঁহাদিগের উপর একাধিপত্য বিস্তার করিয়াছেন ; রুসিয়ার “স্কার” অর্কেক পৃথিবীর একেশ্বর, সেকেন্দর সাহের নাম সুবর্ণাকরে পুরাবৃত্তে লিখিত রহিয়াছে । অদৃষ্টের প্রতিকূলতায় রাজ্যোখর হইয়া নিষধ রাজ নলের ও রত্নপতি রামচন্দ্রের বনগমন ; বিপুল ভূজবংশালী পার্থ, এবং সাক্ষাৎ ধর্ম্মরূপী যুধিষ্ঠীরাদির রাজ্যনাশ, ছাদশবর্ষ বনবাস ;—জগৎ জিগীষু বোনাপাটির কারাবাস ;—ও দুর্গম ব্যক্তি-বেষ্টিত দ্বীপ মধ্যে পরলোক প্রাপ্তি, এবং স্ত্রতরাজ্য হইয়া বিদেশে পরগৃহে অনাগের শ্রায় লুই নেপোলিয়নের প্রাণভ্যাগ । অদৃষ্ট নমুসাকে চিরদিন সমান রাখে না ; কাহাকেও হানাইতেছে, কাহাকেও কাঁদাইতেছে, কাহাকেও ভাসিতেছে, কাহাকেও গড়িতেছে, অদৃষ্টের অদ্ভুত ব্যক্তিত্বের জগৎ ব্যতীব্যস্ত ; তাহার কখন কি রূপ গতি বুঝা যায় না । অদৃষ্টের কাছে রূপ গৌরব, বিদ্যা গৌরব কিছুই নাই, অদৃষ্টের কোপে পড়িয়া দিব্য সূচাক্রান্তি যুবকও বিকৃতশ্রী হইয়া সংসারে বিচরণ করিয়া থাকে, সূক্ষ্ম তাহার হতাদর ;—দুর্দৃষ্ট ব্যক্তির মুখশ্রী দেখিলেই

চিনিতে পারা যায় । সে দিবা লাবণ্যবান হইলেও মলিন, ক্ষুণ্ণ  
বিহীন, তাহার মন সদাই চিন্তাকুল, শরীর শীর্ণ, মুখ প্রতিভা  
শূন্য, যেন জগৎ পিতার সৃষ্টি রাজ্যের একটি নিকৃষ্ট জীব ; মনুষ্য  
নহে ! অদৃষ্টের অদ্ভুত ঐক্সজালিক কৌশল বুঝিয়া উঠা ভার ।  
ভগ্নাদৃষ্ট ব্যক্তির কোন দিকেই সুবিধা থাকেনা ; মনুষ্যের এই  
সঙ্কটাবস্থায় আত্মীয় স্বজনেরাও তাহাকে শ্রদ্ধা করে না,  
যে বন্ধু বান্ধবেরা পথ ঘাটে, দেশে বিদেশে সাক্ষাৎ পাইলে  
কথা বার্তায় তুষ্ট করিত, আপ ঘণ্টার স্থানে দুই ঘণ্টা বস  
করিয়া বসাইয়া নানা কথা বার্তায় আফ্লাদ প্রকাশ করিত,  
তাহারা দেখিলে হয় ত চিনিতেও পারে না । এ অবস্থায়  
আত্মাভিমান করিলে চলে না । পদে পদে অপমান ; সে  
অপমানে রক্ষ প্রকৃতি হইলে, কাজ হারাইতে হয় । এ সময়  
তাহা সহ্য না করা নির্ঝোঁধের কার্য্য ।

বিদ্যাবান ব্যক্তির অদৃষ্টের কোপে পড়িলে তাঁহার ঐ  
গতি ; তাঁহার বিদ্যার বিকাশ হয় না, বুদ্ধি বৃত্তির ধার থাকে  
না, তাঁহাকে সর্বদাই হত বুদ্ধির স্তায় দেখায় । সমাজে নানা  
প্রকারের লোক আছে, তিনি বিদ্বান লোকের নিকট সম-  
কক্ষতার ঈর্ষায় সমাদর লাভে সমর্থ হন না ; অদৃষ্টের পোষ্য  
পুত্রদিগের নিকট যাইলে পাগল বলিয়া উপহাসিত হন । তাহার  
অদৃষ্ট সুপ্রসন্ন, সে মূর্খের চূড়ামণি হইলেও সাধারণের নিকট  
পণ্ডিত, জ্ঞানবান, ও মাননীয় । সময়ক্রমে তাহারও অদৃষ্ট  
একবার সুপ্রসন্ন হইলে, তাহার মুখশ্রী প্রফুল্ল হয়, সর্বাঙ্গের  
ক্ষুণ্ণতা বিশিষ্ট হয়, এবং লোকের কাছে মান মর্যাদা হয়,  
আবার সেই অদৃষ্ট একবার বিরূপ হইলে, তাহার সে ঐ

থাকে না, সমাজে আদর মান গৌরব সকলই ঘুচিয়া যায়, তাহার হৃদিশার সীমা থাকে না, তখন সেই রুষ্ঠ অদৃষ্টকে তুষ্ঠ করিবার জ্ঞান যদি হাজার চেষ্ঠা, হাজার যত্ন করা যায় বিফল হইবে; কিছুতেই ফিরিয়া চাহিবে না; তখন অদৃষ্ট তাহার রোদনে, তাহার বিনয়ে বদির হইবে। অনেক ক্ষীণচেতা ব্যক্তি একরূপ অবস্থান্তর প্রাপ্ত হইয়া মনের দুঃখে আত্মহত্যা পর্যাস্ত করিয়াছে শুনিতে পাওয়া যায়—অদৃষ্টের অনাধ্য কিছুই নাই। কিন্তু তাহা লোকের নিতান্ত বৃদ্ধিবার ভ্রম; তাহারা জানেন না যে সেই অনাধ্য অনন্ত পুরুষ চিরদিন কিছুই সমভাবে রাখেন না; নক্ষত্রা, পশু, পক্ষী, কীট, পতঙ্গ, বৃক্ষ, লতা, তরু, শুল্কাদি, ভূধর, সাগর, অরণ্য, মরু, নগর, পল্লী কিছুই চিরদিন একভাবে থাকিবার নহে; এই যে অনন্ত বিশ্ব রাজ্য ইহাও চিরস্থায়ী নহে; ইহারও বিনাশ আছে। এ সকলের তুলনায় মানবদৃষ্ট কোন্ ছার! তাহারও পরিবর্তন আছে। অদৃষ্ট বৈপরীত্যে যে একবারে অধীর হয় সেই কষ্ট পায়; অদৃষ্ট বড় কোতুক প্রিয়, কাছন দেখিলেই তাহাকে চাপিয়া ধবে, ছুবস্থার সময় ব্যাকুল না হইয়া সাহস ও ধৈর্য্যাবলম্বন করা বিধেয়; ইহ জগতে কিছুই চিরদিনের নহে “চক্রবৎ পরিবর্তন্তে দুঃখানিচ সুখানিচ” এই মহাকাব্য স্মরণ থাকিলে সকল অবস্থা হইতে সহজেই পরিত্রাণ পাওয়া যায়। অটৌষ্য সকল আপদের মুগা!



## বার্কিক্যে জীবনে মমতা ।

“Our attachment to every object around us increases, in general from the length of our acquaintance with it.”

*Goldsmith.*

বয়োবৃদ্ধির সহিত মনুষ্যের জীবনাশা বলবতী হইতে থাকে ; বিশেষতঃ বার্কিক্যে ইহার আতিশয্য দেখিতে পাওয়া যায় । বৃদ্ধ বাল্যাবধি কত সুখ, কত দুঃখভোগ করিয়াছে, এমন অবস্থা নাই যে তাহার ভোগ করিতে বাকী আছে ; মনুষ্যের দশদশা সকলই তাহার ভোগ করা হইয়াছে, মনুষ্য জীবনে বাকিছু দেখিবার, শুনিবার আছে, সকল তাহার হইয়া গিয়াছে । আমোদ অহ্লাদ, হান্য পরিহাস, তাহার পক্ষে কিছুই নূতন নাই । তাহার সকল সাধ মিটিয়া গিয়াছে, কিন্তু তথাপি একদিন, এক মুহূর্তের জন্যও তাহার বাঁচিবার আশা কমে না ; কেহ তামাসা ছলে মৃত্যুর কথা কহিলে, বৃদ্ধ বিকৃতমুখে তাহার উত্তর দেয় ও আন্তরিক কষ্ট বোধ করে । যদি এই পৃথিবীর সকলই তাহার পুরাতন, নূতন কিছুই নাই, তবে তাহার বাঁচিবার সাধ এত অধিক কেন ? জীবনের প্রতি মমতাই ইহার একমাত্র কারণ । বাড়ীতে চাকর রাখিলে সে যদি দীর্ঘকাল গৃহস্থের কাজ করে, অমুগত থাকে, তবে তাহার প্রতি স্নেহ বনে, তাহার সুখে সুখ, তাহার দুঃখে দুঃখ জন্মে । গবাদি গৃহ পালিত পশু, পোষা পাখী মারা-পড়িলে মনে কষ্ট হয়, পুরাতন গৃহ ভাঙ্গিয়া গেলে তাহা

অপেক্ষা একটা ভাল ঘর প্রস্তুত করিলেও পুরাতনের জন্য মনটা কেমন করে ; যে স্থানে জন্ম গ্রহণ করা যায়, বালা কাল অতিবাহিত হয়, সে স্থানটা ত্যাগ করিতে সহজে ইচ্ছা জন্মে না ; কোন লোকের সহিত দীর্ঘকাল জানাশুনা থাকিলে তাহার মৃত্যু সংবাদ শ্রবণে হৃৎকের উদয় হয় । এ সকল কেবল বহুদিনের পরিচয়ের ফল ; আমাদিগের এই জীবন, জননীজঠর হইতে যাহার সহিত পরিচয়, যাহার সহিত দিনে দিনে বর্দ্ধিত হইয়া কত নূতন বস্তু দেখিয়া চক্ষু জুড়াইতেছি, নূতন শব্দ শুনিয়া শ্রবণ পরিভূপ্ত করিতেছি, প্রতিদিন নূতন জ্ঞান লাভে মানস মন্দির উজ্জ্বল করিয়া দশ জনের নিকট প্রতিষ্ঠা লাভ করিতেছি, কত সুখ ভোগ করিতেছি, কতবার বিপদে পড়িয়া অভিজ্ঞতা লাভ করিতেছি ; যাহার সঙ্গে এই নানা রঙ্গময়ী ধরা মধ্যে অবস্থিতি করিতে পাইব তাহাতে যে সকল অপেক্ষা অধিক মমতা জন্মিবে তাহা বিচিত্র নহে । অজ্ঞান শিশুর এ মমতা নাই. সে মরা বাঁচা জানে না. যত দিন সে অজ্ঞ থাকে, তত দিন তাহার মাতাপিতা তাহাকে যত্নে প্রতিপালন করেন, তাহাকে সুস্থ সচ্ছন্দ রাখিবার জন্য যত্নবান্ ভয়েন পরে তাহার বয়োবৃদ্ধি হয়, ভাল মন্দ জানিতে পারে, আপনার দেহের স্বাস্থ্যাস্বাস্থ্য বুঝিতে পারে, জীবন যে কি, তাহার সহিত দেহের সম্বন্ধ কত দূর, এখন তাহা জানিতে পারে তখন তাহার জীবনে মমতা ও মৃত্যু ভয় জন্মিতে থাকে ; এই বুদ্ধি বালকের অতি কম, যুবার ততোধিক, বৃদ্ধের আরও অধিক, অজ্ঞতা বশতঃ বালকের কম ; জ্ঞান সত্ত্বেও যৌবন মূলভ চাপলা, উৎসাহ, তেজস্বিতা ও হঠকারিতা বশতঃ বৃদ্ধের অপেক্ষা

বুদার অন্ন, বৃদ্ধ বহুদর্শী, জ্ঞানবান, জীবনের সহিত সর্বাঙ্গপেক্ষা অধিক পরিচিত, যৌবনের ঔদ্ধত্য, তেজস্বিতাদি তাহার কিছুই নাই, দেহে পূর্কের শ্রায় বল নাই, অস্ত্র দস্ত্র বিহীন, পঞ্চেন্দ্রিয়ের সেরূপ প্রাখ্য নাই ; সকল কাজেই অসমর্থ, এ অবস্থায় স্বতই সাবধানতার বৃদ্ধি হয়, প্রত্যেক কর্মে সন্দেহ, ভয় আসিয়া উপস্থিত হয়। যৌবনে বহু আয়াসে যে সমুদায় বৃক্ষাদি রোপণ করিয়াছে এই সময় তাহারা ফলবান হইয়াছে ; অনেক সকের যে সকল গৃহ রচনা করিয়াছিল তাহাও এখন দীর্ঘকাল ভোগ করা হয় নাই ; যে সকল পুত্র পৌত্র দিগকে বহু কষ্টে লেখা পড়া শিখাইয়াছে তাহাদের এই উপার্জনের সময় ; প্রভাত হইতে সন্ধ্যা পর্য্যন্ত অক্রান্ত দেহে শ্রম করিয়া যে সমস্ত বিষয় বিভব সংস্থান করিয়াছে সে সকল দীর্ঘকাল নিজে ভোগ করিতে হইবেক ; এই সকল কারণে জীবনের প্রতি মমতা বৃদ্ধি হইতে থাকে। অতিবৃদ্ধ হইলে জীবন একরূপ ভার ভূত বলিয়া বোধ হয়, তখন ইঞ্জিয়গণের কার্যকারিতার অনেক হ্রাস হইয়া আইসে, চক্ষু বিকৃত হইয়া পড়ে, স্পষ্ট দর্শন চলে না, কণ্ঠ বধির হইয়া আইসে, উচ্চস্বরে কথা না কহিলে শুনিতেও পায় না, জিহ্বার আশ্বাদন শক্তি কমিয়া আইসে, শরীরের পেশী সমুদায় শিথিল হইয়া পড়ে, স্পর্শেন্দ্রিয় অকর্মণ্য হয়, দশনহীন বদনের চর্ষণ স্থখ একেবারে যায়, পাকস্থলী দুর্বল হইয়া আইসে, আহারে স্থখ জন্মে না ; জিহ্বা ও কণ্ঠনালীর জড়তার বাক্য ফুর্তি হয় না ; দৌর্বল্য বশতঃ সর্বাঙ্গের কাঁপিতে থাকে, ইঞ্জিয় বিকৃতিতে জ্ঞান ও স্মারকতা শক্তির হ্রাস হইয়া আইসে। একরূপ স্বাবরের পক্ষে জীবনের প্রয়োজনীয়তা কিছুই দেখিতে পাই

না ; এ অবস্থার জীবন বিড়ম্বনা মাত্র, কিন্তু আশ্চর্য্য মমতা ! ঈশ্বরের আচ্ছা ঐন্দ্রজালিক মায়া ! এ অবস্থাতেও লোক মৃত্যুর সাধ করা দূরে থাকুক বরং দীর্ঘ জীবন কামনা করে । যুবা অপেক্ষা বৃদ্ধ যে মৃত্যুকে অধিক ভয় করে, তাহার কারণ আছে । যুবা জানে যে সে এই মাত্র জীবন যাত্রা আরম্ভ করিয়াছে ; বল, বুদ্ধি, ভরসা সবে এই মাত্র তেজ করিয়া উঠিতেছে ; নূতন সংসারে এত অভিনিবিষ্ট যে হয়ত তাহার মনে পরিণাম চিন্তার উদয়ই হয় না । সাংসারিক কার্য্য কলাপে এত বাস্তব যে সে ভাবনা ভাবিবার হয়ত সময়ও পায় না ; যদি পায়, মনে করে এখনও অনেক বিলম্ব আছে । তবে শরীরের কথা বলা যায় না সময় নাই অসময় নাই যদি অকস্মাৎ দেহ-যন্ত্র বিকল হইয়া অসংস্কার্য্য হয়, অমনি কুরাইয়া যায়—যদিও জল বায়ুর দোষে সুরাপানও শারীরিক নিয়ম লঙ্ঘনে আজি কালি অকাল মৃত্যু অসাধারণ নহে, তথাপি অস্বাভাবিক ঘটনা বলিতে হইবে ।

বৃদ্ধ জরাভারে বল বুদ্ধি হারাইয়া অবসন্ন হইয়া পড়ে, পরলোক-যাত্রার পূর্বে সংবাদ প্রাপ্ত হয়, জানিতে পারে অতি সত্বরেই তাহাকে সাধের বাড়ী ঘর; বিষয় বিভবের মায়া কাটা-ইয়া বন্ধু বান্ধব, স্ত্রী, পুত্র, পরিজনদিগের নিকট হইতে চিরকালের জন্য বিদায় লইতে হইবে ; জন্মভূমি আত্মীয় পরিবারবর্গের মায়া এমনি যে কাহারও প্রতি কারাবাগ বা স্বীপান্তর বাসের সঙ্কল্প হইলে সে কত আকুল, কত ব্যথিত, কত বিপন্ন হয়, যম্মু' ব্যক্তিকে সে সকল একবারে ত্যাগ করিতে হয়, তাহার পক্ষে এটা কত যন্ত্রণাদায়ক । মায়াতেই জগৎ চলিতেছে, মায়াবন্ধন না থাকিলে ঈশ্বরের সৃষ্টি চলিত না, সেই ঐশ্বরিকী

মায়া পাশ ছেদ করা সামান্য মনুষ্যের কর্ম নহে ; জীবনের সহিত না কি ইহলোকের যাবতীয় পদার্থের সম্বন্ধ সেই জন্মই জগতের যাবতীয় প্রিয় বস্তু অপেক্ষা জীবনে এত অধিক স্নেহ, ও মমতা জন্মে । সত্য বটে অনেকে ক্রোধ, লজ্জা, অপমান, হঃসহ রোগ যন্ত্রণা সহ করিতে না পারিয়া আত্মঘাতী হয় ; সে কেবল তাহাদিগের আকস্মিক উত্তেজনা-জনিত চিত্ত-বিকৃতির ফল । আত্মহত্যা কখন লোক সমক্ষে সংঘটিত হইতে শুনা যায় না, আত্মহত্যাকারী উত্তেজনা কালে যদি উপদেশ পায়, বা তাহাকে মানব-জীবনের উদ্দেশ্য বুঝাইয়া দেওয়া যায়, কিম্বা সে স্বয়ং যদি সে বিষয়ে অগ্রপশ্চাৎ বিবেচনা করিতে পায়, তাহা হইলে সে নিশ্চয়ই আত্মজীবন নাশে নিবৃত্ত হইয়া যায় সন্দেহ নাই । মনুষ্যের জীবনাশা বড় অল্প বলবতী নহে, বরং সকল মনুষ্যে অগ্ৰাণু সাধারণ বৃত্তির নানাধিকা আছে ; কোথাও বা একবারে কোন কোনটার অভাব দেখা যায় কিন্তু এই অসামান্য বৃত্তি বিহীন লোক জগতে অতি বিরল । ইতার আতিশয়া বশতই “ প্রাণাধিক প্রিয়তম পুত্রকে যদাতি জবা ভার অর্পণ করিয়াছিলেন ” । ইহা অপেক্ষা বার্ককে জীবনে মমতার উৎকৃষ্ট উদাহরণ আর কোথায় মিলিবে ?

## প্রবাসীর মৃত্যু ।

“I loved thee well, my own, my father's land,  
And better as my country than my kingdom.  
I sated thee with peace and joys ; and this  
To my reward ! and now I owe thee nothing  
Not even a grave. ”

*Byron.*

পীড়া ত দিনে দিনে বৃদ্ধি হইয়া, চিকিৎসকের সমস্ত যুক্তি, সমস্ত কোশলকে পরাহৃত করিয়া দেহ ক্ষয় করিতেছে, বাঁচিবার ত কোন আশা দেখিতেছি না । মৃত্যুর সমস্ত লক্ষণই ক্রমে ক্রমে আসিয়া উপস্থিত হইয়াছে । হৃৎথের জ্বালায়, অর্থলাভের তরে আপন পরিবার, বন্ধু বান্ধব, আত্মীয় স্বজনকে ছাড়িয়া দূরদেশে আসিয়া পড়িয়াছি । এ হৃৎসময়ে পরিবারের মধ্যগত থাকিলে, উপস্থিত অসহ্য যাতনার অনেক লাঘব হইত । কিন্তু পরিবার স্বজনগণের কষ্ট নিবারণের জন্ত বিদেশে আসিয়া পরিণেষে জীবন হারাইতে হইল । ললাট-লিপি কাহারও কোন মতে খণ্ডিত হইবার নহে ;—একেত মৃত্যু যাতনা নিরতিশয় অসহনীয়, তার বিদেশ, আপনার কেহ নিকটে নাই ;—যে স্ত্রীপুত্র, পরিবার, বন্ধু বান্ধবদিগের নিকট আসিবার কালে বিদায় লইয়া আসিয়াছিলাম, কত দিন পরে তাহাদিগের পুনর্দর্শন পাইব সতত এই চিন্তা করিতাম, কত দিনে আবার তাহাদিগের সহিত মিলিত হইয়া প্রবাসে তাহাদিগের অদর্শন জনিত কষ্টের কথা আমূলক জ্ঞাপন

করিয়া মনঃকোভ নিবারণ করিব এই ভাবিতাম, এক্ষণে দেখিতেছি তাহাদিগের নিকট কিছু দিনের জন্য বে বিদায় লইয়া আসিলাম তাহাই চিরবিদায় হইল ;—ইহলোকে তাহাদিগের সহিত আর সাক্ষাৎ হইবে না । জন্মভূমি পরিত্যাগ করিয়া যখন প্রবাস যাত্রা করি প্রেমসীর প্রণয়-পূরিত স্নেহ মাখান কথা গুলি নবীভূত হইয়া মনোমধ্যে উদিত হইতেছে ;—যে সময়ে আমি বস্ত্রাদি পরিধানে ইষ্ট-দেবতা স্মরণ করিয়া তদীয় অর্ঘ্য লইয়া যাত্রা করি তখন প্রেমসী গৃহনধ্যে অর্ক বিগলিত বানে, অর্কাবগুণে থাকিয়া আশুবর্ষী জলদ মাগার স্রাব দুইটা ছল ছল চক্ষে অর্কক্ষুরিত বচনে শিশু সন্তানটাকে ক্রোড়ে লইয়া জিজ্ঞাসা করিণ “আবার কত দিনে আসিবেন” তখন মিষ্ট কথায় বঝাইয়া অতি সত্বর আসিব বলিয়া আসিলাম । বাক্-ক্ষুর্তি বিহীন শিশুটা এক দৃষ্টিতে আমার প্রতি চাহিয়া রহিল ; অকৃত্রিম মুখ ভঙ্গিতে প্রকাশ করিল যেন সে কথা কহিতে পারিলে কিছু বলিত ; সে ভাব দেখিয়া কোন্ নিঃস্বয় কান্ড থাকিতে পারে ? ফিরিয়া গিয়া মুখচূষন করিয়া, সে বুলিতে না পারিলেও, তাহার নিকট নিদায় লইয়া পুত্ৰ হইতে বহি-গত হইলাম । বাহিরে সময়সী বন্ধুগণ, তাহাদিগের সহিত বাল্যকাল হইতে একত্র বাস, তাহাদিগের নিকট আমার কোন কথাই গোপন নাহি, যাহারা অনিার স্নেহের স্রবী, দুঃখের ভাষী, তাহাদিগকে সত্বর পুনরাগমনের আশা দিয়া বিদায় হইলাম । সাক্ষাৎ স্নেহমূর্তি জননী বিসর্গ বদনে নিকটে আসিয়া দুই এক দিন থাকিবার জন্য অনুরোধ করিলেন ;

বান্ধালী চাকরী-জীবী জাতি, তাহাদিগের জীবন, সুখ, দুঃখ সমস্তই পরাধীন, বিলম্ব করিলে জীবিকা নির্বাহের উপায়ে বঞ্চিত হইব, এই রকম বুঝাইয়া তাঁহার শ্রীপদে প্রণাম করিয়া বিদায়ের অনুমতির জন্য দণ্ডায়মান থাকিলাম ; পুত্রের প্রতি মাতার স্নেহের উপমা নাই ; তখন তিনি আপনাদিগের ধন-হীনতা জন্য পুত্রকে বিদেশ পাঠাইতে হইতেছে, একজন আন্তরিক কষ্ট বোধ করিয়া মুখে মাত্র বলিলেন “ শীঘ্র যেন আবার এস ” এই বলিয়া সাক্ষরনয়নে দণ্ডায়মানা রহিলেন ; আমি নিষ্ঠুর হইয়া যেন তাঁহাদিগের দুঃখ না বুঝিয়াই বিদেশ বাত্রা করিলাম । পরমারাধ্য পিতা প্রাণাপেক্ষা প্রিয়তম পুত্রকে বিদায় দানে নিতান্ত অনিচ্ছুকতা বিবক্ষন কত দূর সঙ্গে সঙ্গে গ্রামের প্রান্তভাগ পর্যন্ত আসিলেন ; স্বতঃ কোমন প্রকৃতি স্ত্রীলোকের গায় তিনি গ্রাম প্রান্তে দণ্ডায়মান থাকিয়া যতক্ষণ দৃষ্টি চলিল ততক্ষণ স্থির দৃষ্টিতে আমাকে নিরীক্ষণ করিতে লাগিলেন ; পরে যখন দূর্বতায় আমার মূর্তি আবরণ করিল তখন তিনি ভগ্নহৃদয়ে বাটী প্রত্যাগমন করিলেন ।

হায় ! তাঁহারা কোথায় ? তাঁহাদিগের জীবন সর্বস্ব পুত্র চিরকালের মত ফাঁকি দেখাইয়া এখন লোকান্তর গ্রহণ করিতেছে । স্বজন মমতা স্বাভাবিক অতিশয় বলবতী ; তাহাতে মায়ার এমনি প্রাধান্য যে দূরস্থিত আত্মার যাতনায় তৎসংবাদ অপ্রাপ্তিতেও, স্বতঃ সম্মত সহানুভূতি বশতঃ এবং পরস্পরের মনের একতা নিবন্ধন, তদুঃখ আপনা হইতে অনুভূত হইয়া থাকে । স্বভাবের সেই নিয়ম বশে তাঁহাদিগের মনও নিশ্চিন্ত নাই ; আমার গায় ব্যাকুলিত হইতেছে । সেই



মাতা, সেই পিতা, সেই আত্মীয় স্বজনদিগের মন না জানি এখন কত অব্যক্ত যাতনার কাতর হইতেছে । যখন তাঁহারা আমার মৃত্যু সংবাদ শ্রবণ করিবেন, যখন তাঁহারা জানিবেন আমি ইহ ধাম হইতে পলায়ন করিয়াছি, তখন তাঁহারা কিরূপে জীবন ধারণ করিবেন ! বৃদ্ধ জনক জননী নিয়ত অশ্রুধারা বর্ষণে নয়নের দৃষ্টি হারাইয়া ক্রমিক অনশনে জীবন ত্যাগ করিবেন ; প্রিয়তমা অকস্মাৎ এই দুর্ঘটনার সংবাদ প্রাপ্তি মাত্র হয় উদ্বন্ধনে না হয় বিষ ভোজনে আত্মহত্যা করিবে । তখন শিশু সন্তানটির দশা কি হইবে ! আহা এই সুখের পৃথিবী হইতে বিদায় লইবার সময় একবার সকলের সাক্ষাৎ পাইলাম না । চাক্সস প্রত্যক্ষ ব্যতীত দার্শনিকের যুক্তির উপর বিশ্বাস নাই । পঞ্চদ্বের পরে জীবের যে কি গতি হয়, মানবীয় বুদ্ধি দ্বারা এখনও তাহার কিছুই অবধারিত হয় নাই ; এখনও মশরীরে এই জীবনীলাতুল-ধরণীধামে আছি, পরক্ষণেই যে কি হইব, কোথায় যাইব, ইহার কিছুই স্থির নাই । জগতে কেহই চিরস্থায়ী নয়, কিছু দিন পরে পরলোকে যে আবার সকলে সম্মিলিত হইব তাহারই প্রমাণ কি ? যদি সে বিষয়ে মনুষ্যের একটা কিছু স্থির জ্ঞান থাকিত তাহা হইলে মৃত্যুকে এত ভয় হইত না । নিকটে ভৃত্য ভিন্ন আর কেহ নাই ; আমার পঞ্চদ্বের পরে অত্রস্থ দুই চারি জন পরিচিত লোকে আমার মৃত দেহকে অনাথের গায় শ্মশানে লইয়া দগ্ধ করিবে, না হয় ভাগিরথী নীরে নিক্ষেপ করিবে । আমি কোথায় ! আমার পরিজনগণ কোথায় থাকিবে ; আমার মেরু মাংস কুস্তীর নক্রাদি জল-জন্তুর ভক্ষ্য হইবে, আমার

অস্থি সকল হয় সাগর গর্ভে নীত হইবে না হয় কোন স্থানে  
পথিকদিগের ঘৃণ্য হইয়া পতিত থাকিবে। এত যত্নে রক্ষিত  
দেহের শেষে এই গতি ! এত মায়ার সংসারের সহিত শেষে  
এই সম্বন্ধ !

### এ দিন যাবে !

“ 'Tis done-- but yesterday a king !  
And armed with kings to Strive—  
And now thou art a nameless thing ”—

*Byron.*

সময় অনন্ত—সময়ের আদি নাই, অন্ত নাই, অবিরাম  
গতি—যখন জগতের সৃষ্টি হয় নাই ; চন্দ্র, সূর্য্য, গ্রহ, নক্ষত্র,  
আমাদিগের অধিষ্ঠানভূতা ধরিত্রী, যখন কিছুই ছিলনা, আকাশ  
অন্ধকারময়, তখনও সময় ছিল ; এবং যখন এই অনন্ত ব্রহ্মা-  
ণ্ডের লয় হইয়া পুনরায় নিবিড় তমসাচ্ছন্ন হইবে, তখনও সময়  
থাকিবে। সময় নিত্য সময়ের ক্ষয় বায় নাই। এই অনন্ত  
সময়ের মধ্যে কতবার সৃষ্টি হইয়াছে, কতবার কত শতাব্দী  
সহস্রাব্দীর গণনা হইয়া সৃষ্টির দিনাশ হইয়াছে তাহার অব-  
ধারিত নাই। বোধ হয় সেই অপার মহিমাবান সর্বশক্তিমান  
জগদীশ্বর কার্য্য মৌ কার্য্যার্থে সময়কে বৎসর, অয়ন, মাস, শীত,  
গ্রীষ্মাদি ঋতু, দিবা রাত্ৰিতে বিভক্ত করিয়াছেন। সেই পর্য্যায়-  
ক্রমে দিবসের পর রাত্ৰি, রাত্ৰির পর দিবস, কৃষ্ণপক্ষের পর

কুরুপক্ষ, শুক্লপক্ষের পর কৃষ্ণপক্ষ, মাসের পর মাস, বৎসরের পর বৎসর, এক শতাব্দীর পর অন্য শতাব্দী নিয়ত চলিয়া আসিতেছে। কাহার বাধা মানে না, কাহার জন্ত অপেক্ষা করে না, কাহার বিনয়বশীভূত বা কাহার কটুক্তিতে রাগত হয় না : সমভাবে চলিয়া আসিতেছে। চলিতে চলিতে জীবের জীবন চুরি করিতেছে, বালককে যুবা, যুবাকে বৃদ্ধ, বৃদ্ধকে জীবনান্ত করিতেছে; নূতনকে পুরাতন করিতেছে, পুরাতনের নিনাশ করিতেছে, আবার নূতনের উৎপাদন করিতেছে। সময়ের অসাধারণ ক্ষমতা।

এই যে রম্য হর্ষ্যরাজি বিরাজিত পবিত্রা জাহ্নবীতীর ঘোঁত বহুজনসঙ্কতা মহানগরী দেখিতেছি চারিশত বৎসর পূর্বে অরণাচারী পশুগণের বিহারক্ষেত্র ছিল। ঐ যে স্বল্পতোয়া সরস্বতীতীরলগ্ন বিস্তীর্ণ জঙ্গলময় স্থানটী দেখিতেছি, উহা পুরাণ প্রথিত সপ্তগ্রাম নগরীর ধবসাবশেষ ঐ। যে বিপুল বিভবশালী ব্যক্তিদিগকে আজি সাড়ম্বরে গাড়ি হাঁকাইতে দেখিতেছি উহারা পুরুষানুক্রমে নিধন, কিন্তু আজি অতুল ঐর্ঘ্যশালী। আবার পশ্চিমে বিষ্ণুপুরের দিকে চাহিয়া দেখি বঙ্গসূর্য্য মল্লবংশধরগণ আজি যার পর নাই হীনবল, যাহাদিগের পরাক্রমে মুর্শিদাবাদের সিংহাসন কম্পিত হইত, তাহারা অন্নের জন্তে লালায়িত, যে চন্দ্র সূর্য্যবংশের সংস্রবে তাহারা গৌরবাস্বিত ছিল, আজি তাহারাই শ্রভাহীন। সময় কাহাকেও দীর্ঘকাল একরূপে রাখে না, সময় ধনীকে নিধন, নিধনকে ধনী করিতেছে। সুখীকে কাঁদাইতেছে, দুঃখীকে হাসাইতেছে, সময় অঁকুল সমুদ্রমধ্যে ধীরের সৃষ্টি করিতেছে, তরু শুষ্ক

লতাাদিতে তাহাকে সাজাইতেছে, পরিশেষে সেই স্থানকে মনু-  
 ষোর বাসোপযোগী করিয়া তাহাতে গ্রাম পল্লী নগরাদি রচনা  
 করিতেছে । আবার বিপুল জনতাপূর্ণ সুন্দর নগরকেও সাগর-  
 গর্ভে নিহিত করিতেছে বা দুর্গম অরণ্যে পরিণত করি-  
 তেছে । সময় সকলই করিতে পারে, সময় সকলের অস্তুকারী,  
 সময়ের অস্তুকারী কেহ নাই । সময়ের এই অসাধারণ অত্য-  
 দ্ভুত ক্ষমতা এবং বাবস্তীয় স্বাবর জঙ্গমাদি এমন কি সমস্ত  
 জগতের উপর প্রাধান্য দেখিয়া মনে হয় সময় সকলি করিতে  
 পারে, সময়ে সকলি হয় । সময়ের পরিবর্তনীয়তা প্রভাবে  
 চিরদিন কখন কাহার সমান যার না । যিনি যত বড় হউন  
 কখন বলিতে পারেন না যে চিরদিন তাঁহার সমান দাঁড়বে ।  
 কুবের হও, জগৎশেট হও, রথস্চাইল্ড হও, শত সহস্র কোটী  
 মুদ্রা তোমার হস্তে থাকুক, রাজাই হও, রাজ প্রতিনিধিই হও,  
 অথবা রাজসম্মানিত কোন বিভবশালী প্রজা হও, মনে করিও  
 না যে চিরদিন তোমার সমান চলিবে । তোমার বিষয় বিভব,  
 মান মর্যাদা চিরদিন অব্যাহত থাকিবে । তোমার মত কঁত  
 রাজ্য কত রাজপ্রতিনিধি কত বিভবশালী প্রজাকে নির্দনের  
 চূড়ান্ত হইয়া পথে পথে ভিক্ষা করিয়া বেড়াইতে শুনা গিয়াছে ।  
 অস্থায়ী ঐশ্বর্য ও বিষয় গোরবকে বিশ্বাস করিও না । ধনমদে  
 মত্ত হইয়া অন্ধ বা অজ্ঞানের গ্ৰাম কার্য করিতে অগ্রসর হইও  
 না । স্বভাবের নিয়মে সময়ের গতিকে তোমার এমন দিন  
 থাকিবে না, যাবেই যাবে । সময় তরঙ্গ আজি যেমন 'তোমাকে  
 সংসার সাগরের উচ্চে তুলিয়াছে তেমনি একদিন না একদিন  
 নিশ্চয়ই ডুবাইয়া দিবে । বড় ব্যস্ত হইও না, বড় তাড়াতাড়ি

করিও না—এ দিন যাবে—চম্পক কুসুম সন্নিভ তোমার বর্ষ  
 মলিন হইবে ; প্রফুল্লিত মুখ মণ্ডল রোগ যন্ত্রণায় ক্ষুণ্ণিত বিহীন  
 হইবে ; চমরী পুচ্ছ লাক্ষিত কেশর শির রত্ন থাকিবে না ; ধূলি  
 ধূসরিত হইবে—সময় তখন “কাল” নাম ধারণ করিয়া তোমার  
 নিকটস্থ হইয়া সর্বনাশ করিবে । দরিদ্র ! আজি তুমি লম্বিত  
 অতৈল কেশে কক্ষ কলেবরে চীর পরিধান করিয়া অনাথের  
 স্তায় মুষ্টি ভিক্ষার জন্ত লালাইত হইয়া গৃহস্থের দ্বারে দ্বারে  
 বেড়াইতেছ ; ধনীরা ধন, বিলাস, এবং সুখের ঈর্ষা করিয়া  
 আপনাকে ঈর্ষ্যবিড়ম্বিত বিবেচনা করিতেছ ; স্ত্রী, পুত্র, কন্যা,  
 ভাই ভগ্নিদিগের ভরণপোষণের অর্থ কুচ্ছতাজ্জন্ত মনোবেদনা  
 পাইতেছ ; মাথায় গোলাপ আতর মাথিয়া, চুল ফিরাইয়া,  
 গাড়ি চড়িয়া বেড়াইতে পারিতেছ না বলিয়া দুঃখ করিতেছ ;  
 সংসারে স্থখী হইবার কোন পথ না দেখিয়া হতাশ হইতেছ ;  
 ব্যস্ত হইও না । ক্ষান্ত হও ধৈর্য্যাবলম্বন কর ; তোমার এদিন  
 যাবে । হয়ত তুমিই আবার সৌধশিখরবাসী হইবে—হয়ত  
 তোমার ঐ পদদ্বয় দান দাসী দ্বারা ভক্তি সহকারে পরিষেবিত  
 হইবে ; তোমার সিংহদ্বারে উলঙ্গিত অসিহস্তে দ্বারবান দণ্ডায়-  
 মান থাকিবে ; তোমার সহিত সাক্ষাৎ করিতে হইলে উপরোধ  
 অনুরোধ ও তোমার অবকাশ অপেক্ষা করিতে হইবেক ;  
 তোমার যে দেহ আজি স্পর্শ করিতে ঘৃণা হইতেছে সেই  
 দেহের সাবধানতার জন্ত প্রহরী নিযুক্ত হইবে ; তুমিই  
 আবার যখন অমুচরবর্গ বেষ্টিত হইয়া সাক্ষ্যাসমীর সেবন জন্ত  
 রাজপথে বাহির হইবে তখন আমার মুখপানে চাহিয়াও  
 দেখিবে না । সমুখে পড়িলে হঠাইয়া দিয়া চলিয়া যাইবে ।

ঐ যে স্কুমার-কাস্তি হসিতাস্ত শিশু খেলা করিতেছে, জঠর জ্বালা নিশ্চিৎ হইলেই হাসিতেছে, খেলা করিতেছে, উহারও দিন যাবে। বয়োবৃদ্ধির সহিত হাসিও ভুলিবে, খেলাও ছাড়িবে, ক্রমিক চিন্তার কাতর হইবে। ঐ যে বালকটিকে বিদ্যালয় বাইতে দেখিতেছ উহার অবস্থা এখন অনেকটা ভাল বলিতে হইবে, ধনচিন্তা নাই, খায়দায় বিদ্যালয়ে যার, পাঠাভ্যাস করে, এ অবস্থাটী সংসারের প্রবেশ দ্বার, সাংসারিক কষ্টের মুখপাত। দুদিন পরে উহারও এ অবস্থা থাকিবে না উহারও এ দিন যাবে। সমুখে যে সীমন্ত শীর্ষ পরিষ্কার পরিচ্ছন্ন যুবাটী আপিশে বাইতেছে উহারই কি এ দিন রবে? মনুষ্য জীবন বিপদ সমাকুল, কোন্ দিন কোন্ বিপদে পড়িয়া মট হইয়া যাইবে। ঐ যে ললিত মাংস পককেশ বৃদ্ধটিকে পাশক্রীড়ার মত দেখিতেছ উহার অন্তিমকাল নিকট। সংসার চিন্তা এখনও উহার মনকে ভুলাইয়া রাখিয়াছে। হেমস্তের পর শীতাগম অবশ্যস্তাবী, বৃদ্ধ জানিয়াও জানেন না। উহারও কি এদিন যাবে না? অবিলম্বে তাহাকে অন্তিম শর্যায় শয়ন করিতে হইবে। এই যে কাগিনীর কমনীর কাস্তি, গোলাপ সন্নিভ অধর ওষ্ঠে মধুর হাসির শোভা দেখিতেছি ইহাও দীর্ঘকাল থাকিবার নহে, দুদিন পরে মলিন হইয়া যাইবে। হস্ত পদাদি ও অঙ্গ বিশেষের রমণীয়তা কদিনের জন্য? তাহারও এদিন যাবে। আমি এই ঘে হাওড়া রিজার্ভ আপিশে বসিয়া এ প্রবন্ধ লিখিতেছি, আমার ও কি এদিন থাকিবে? কখন না—“এদিন যাবে” আমার এই যে কথা কি ধনী, কি নির্ধন, কি বালক, কি যুবা, কি বৃদ্ধ, কি ত্রীলোক সকলকেই উপদেশ

দেবে সংসার মন্দে মত্ত হইয়া কেহ কখন ভ্রমেও যেন মনে না করেন যে তাঁহার সুদিন ঘুচিয়া কুদিন আসিবে না, সুখ সূর্য্য কখনও অন্তর্গিত হইবে না ; কাল চক্র নিয়তই ঘুরিতেছে সেই সঙ্গে মনুষ্যের সুখদুঃখ, জন্ম জরা, জীবন যৌবন সকলি পরিবর্তিত হইতেছে । এই যে বড় ঋতু বিলাসিনী ধরিত্রী, অতি বিস্তীর্ণ, অদ্যাবধি বাহার সকল স্থান সকলের পরিজ্ঞাত হইতেছে না, উর্দ্ধদেশে ঐ যে বিপুলতেজা দিবাকর, জড় পদার্থ হইলেও, স্বকীয় তেজোপ্রভাবে প্রাচীন আর্য্যদিগের মধ্যে দেবতা বলিয়া পূজিত ; ঐ যে রমিতমূর্তি সুধাকর, ঐ যে বনবিন্যস্ত অগণিত তারকা কুল, এই বিশ্ব ব্রহ্মাণ্ডে যত কিছু দেখিতেছি, ইহাদের কিছুই চিরদিন সমভাবে থাকিবে না । কাল সধর্ম্মে যখন প্রলয় ঝড় প্রবাহিত হইবে তখন সমস্ত লয় প্রাপ্ত হইয়া পরমাণুপুঞ্জ আকাশ আচ্ছন্ন করিবে ; তাই বলি উহাদিগেবও এদিন যাবে !

প্রণয় প্রতিমা ।

“ Yes—it was love—if thoughts of tenderness,  
Tried in temptation, strengthened by distress,  
Unmoved by absence, firm in every clime,  
And yet—oh, more than all!—untired by time. ”

*Byron.*

সংসার কাননে স্কন্দর কুসুম কে ? কে নিয়ত প্রকুলভাবে মানস ঘোহিত করে ? কাহার রূপ, রস সকল সময় সমান



## আমার চিন্তা ।

ভাবে মনস্তষ্টি জন্মায় ? কাহার কুরারবিন্দ বদন অবলোকন করিয়া সকল অবস্থাতেই মন আনন্দে নৃত্য করিতে থাকে ? কাহার মোহিনী মূর্তি খানি প্রথম দর্শনাবধি হৃদয় ফলকে অঙ্কিত হইয়া থাকে ? কাহাকে এক দণ্ডের জন্ত দৃষ্টির অন্তর করিতে ইচ্ছা হয় না ? কাহার সাহায্যে উত্তাল তরঙ্গ-ময় কুস্তীর মকরাদি হিংস্র জলজন্তু সমাকুল সংসার বারিধি সূথে উত্তীর্ণ হওয়া যায় ? ধর্মতঃ কে পাপ পুণ্যের সমান অংশী ? এ সংসারে কে অর্দ্ধাঙ্গরূপ সুখদুঃখের তুল্য ভাগ গ্রহণে বাধ্য ? কে সঙ্গে থাকিলে অরণ্যবাসেও কষ্ট বোধ হয় না ?

● সংসারে প্রবিষ্ট হইবার সময় যাহাকে ধর্মতঃ অঙ্গীকার করিয়া সঙ্গে লইতে হয় ; যাহার সহিত এক হৃদয়, ধর্মাদর্ম, পাপ পুণ্য, সুখ দুঃখের অর্ধেক অংশ ; যে জীবনের চিরসহচরী ; যে জগতের ষাটতীয় প্রিয় বস্তু অপেক্ষা আমাকে ভাল বাসে ; কি সুখশাস্তির দিনে, কি ঘোর বিপদের দিনে, যে আমার সহ-বাসে তুল্য সুখ বোধ করে, আমার দর্শনলাভে যে অন্ত্রাত্ম সমস্ত সুখ তুচ্ছ বোধ করে, যে সমস্ত আত্মীয় বন্ধু বান্ধবের মধ্যে আমাকে ভিন্ন নিতান্ত আত্মীয় বলিয়া আর কাহাকেও জানে না ; আমাতেই যাহার মন, প্রাণ সমর্পিত আছে ; আমার জন্ত যাহার কিছুই অদেষ্য নাই ; যে আমাকে ভিন্ন অন্য ব্যক্তির মুখাবলোকনেও বাধা বোধ করে, যে আমাকে ইহজগতের প্রত্যেক দেবতা বলিয়া জ্ঞান ; যে আমার জন্ত সুখ স্বাস্থ্য, বিলাস এমন কি জীবন পর্যন্তও অকুণ্ঠিতভাবে ত্যাগ করিতে পারে ; ধনকষ্ট নিবন্ধন অশনবসন ক্রেশে যে কিছু মাত্র দুঃখ বোধ করে না, যতই বিপৎপাত হউক যে আমাকে দেখিলেই



সকল ভুলিয়া যায় ; আমার সেবা পরিচর্য্যাই যাহার জীবনের একমাত্র সার কৰ্ম্ম ও প্রধান ধৰ্ম্ম ; যে আমাকে জীবনের একমাত্র ভূষণ, একমাত্র বন্ধু, এবং একমাত্র সহায় বলিয়া জ্ঞান করে, আমি ভিন্ন যাহার অন্ত গতি নাই ; কি বালো কি যৌবনে, কি প্রৌঢ়ে, কি বার্দ্ধক্যে সকল অবস্থাতেই যে আমাকে পরিতুষ্ট রাখে ; এমন পতিপরাধিনী কামিনীই প্রণয়ের একমাত্র উৎকৃষ্ট প্রতিমা । যত দূর দেশে যাই, যত দিন সে মনোহারিনী প্রতিমা খানি চক্ষে দেখিতে না পাই, হৃদয় মধ্যে যেন সৰ্ব্বদাই তাহা জাগরুক থাকে, কিছুতেই অন্তর্হিত হইবার নহে ; নিরন্তর অতিবিপদেও মন হইতে তাহাকে সরাইতে পাবে না ; অর্থ লোভেও বিচলিত করিতে পারে না ; দূরত্ব অন্তর্ভাল করিতে হারি যানে ; বহু দিনের অদর্শনেও তাহার স্মৃতি মুছিয়া ফেলিতে সমর্থ হয় না । প্রস্তরাক্ষের স্তায় যে মূর্তি প্রদয় ফলকে অঙ্কিত হইয়া থাকে । পাঠক ! যদি তুমি প্রকৃত প্রেমিক হও, যদি তুমি পবিত্র প্রণয়ময়্যে সুদীক্ষিত হইয়া থাক, বল দেখি তাহার সহিত কোন রূপসৌর রূপের তুলনা চলে কি না ? ভগতে কামিনী বরাক্ষের যত উত্তম উত্তম উপমা আছে তাহার একত্র সন্মাবেশ হইলেও সেই চিত্ত বিনোদিনী মূর্তির তুলনায় কিছুই লাগে না । বদনে সুধাকর, কেশ পাশে কাদম্বিনী, অধরে গোলাপ, হাসিতে তড়িৎ, জ্বলে ধমু, নয়নে ধলন নর্দন, গ্রীবায় কবু, বাহুদ্বয়ে মৃগাল, উরবে দাড়িম, মণনে কন্দ কুমুদ, কটিতে ডমরুমধা, একরূপ সুসমাবতীকে ছাড়িয়াও আমার মন কেন সেই একজনকেই চায় ? আশি ধনী হই না নির্ধন হই, তাহাকে রম্য অট্টাগিকায় রাখি, বা কুটীর

বাসিনী করি; বিবিধ স্নোভোজনেই তাহার রসনা পরিতৃপ্ত হউক বা শাকান্ন ভোজনে তাহার উদরপূর্তি হউক, মণি মানিক্য জড়িত হ্যাতিমান অলঙ্কারেই তাহার অঙ্গ প্রত্যঙ্গ বিভূষিত হউক, বা কেবল মাত্র সীমস্তে সিন্দূর ও সাধব্যঞ্চক লৌহ কঙ্কণ হস্তে থাকুক, কিছুতেই যাহার মনে বিকার জন্মে না, ও আমার প্রতি অচলা ভক্তির ব্যভিচার হয় না, তাহা অপেক্ষা প্রণয়পাত্রী আমিত জগতে খুজিয়া পাই নাই। যে ব্যক্তি রূপের পক্ষপাতী সে কখনই প্রেমিক নহে, পবিত্র প্রেম কেমন তাহা অবগত নহে। প্রণয়রূপ পবিত্র সুখাস্বাদনে চির-বঞ্চিত। সৌন্দর্য্য চিরস্থায়ী নহে; যৌবনের পরিমাণেই তাহা মলিন হইতে থাকে; তখন প্রণয় বন্ধন কোথায় থাকে? অতএব প্রণয়ের সহিত রূপের কোন সংশয় নাই।

### শেষের সে দিন ।

“ Day presses on the heels of day,  
And moons increase to their decay ;  
But you, with thoughtless pride elate,  
Unconscious of impending fate,  
Command the pillar'd doom to rise,  
When lo ! thy tomb forgotten lies.”—

*Francis.*

তুমি আমি, ধনী মির্ধান, অন্ধ ধর্ম, সকলেই এই কর্ম ভূমি  
সুমণ্ডলে জন্মগ্রহণ করিয়া সংসারযাত্রা নির্বাহ করিতেছি। তবে

পৃথক্ এই, কাহার দিন সুখে যাইতেছে, কাহার বা দুঃখে অতিবাহিত হইতেছে । সুরস ফলমূলাদি ভোজনে, সুমিষ্ট পের ত্রবা পানে, হাসদাসীর সেবার ধনীর দিন সুখে কাটিয়া যাইতেছে ; আর সমস্ত দিন কঠোর পরিশ্রমে, কদাম ভোজনে, কেবলমাত্র অযত্নলব্ধ শ্রোতস্বতী বা কৃপ তড়াগাদির জলপানে দীনীর দিন কষ্টে কাটিয়া যাইতেছে । সুখে হউক, দুঃখে হউক সকলেরই দিন এক বা অন্য রকমে কাটিয়া যায়, কাহারও দিন থাকে না । এই সংসার-ক্ষেত্রে অবতীর্ণ হইয়া তৎ-জ্ঞানাক-কারিণী মায়ায় বিনুগ্ন হইয়া সকলেই সংসার-সুখের অনু-সন্ধানে সদাই বিভ্রত । ধনীর ধনপিপাসার শাস্তি হয় না ; মধ্যবিধ এবং দরিদ্রের ত কথাই নাই । সকলেই আপন অব-স্থার উন্নতি করিতে ; পরিবার, অশ্বীয়, স্বজন, স্ত্রী, পুত্র, কন্যা ভাই, ভগ্নী দিগের সুখ সচ্ছন্দের জন্য মনীচিকামুগ্ন কুরঙ্গের ন্যায় সাগ্রহমনে সংসার মরুতে ছুটাছুটি করিতেছে । এই সংসারে যাহাকে দেখি, যে দিকে যাই, সংসার-বাণুরা-বিজড়িত লোক ভিন্ন অন্যকে দেখিতে পাই না, অনর্থকারিণী সংসারকথা ভিন্ন অন্য কথা শুনিতে পাই না । রাজ-প্রাসাদে, ধনীর অট্টালিকায়, মধ্যবিদের ঘরে, নির্ধনের কুটির, বেখানে যাই, বিষয়কার্যের কথা ভিন্ন অন্য অন্য কথা শুনিতে পাই না ; বিষয় বৃদ্ধির চেষ্টা ভিন্ন অন্য চেষ্টার কাহাকেও দেখিতে পাই না । রাজা আপনার প্রাসাদনিখরে রত্নাসনে বসিয়া অনুচরবর্গের সেবাতেও আপন সংসার-চিন্তা ব্যতীত অন্য চিন্তা করেন না ; ধনী সাংসারিক সকল অভাবপরিশূন্য হইয়াও ধনচিন্তা ভিন্ন অন্য চিন্তায় মন দেন না ; মধ্য-

বিধ ব্যক্তিও পরিমিত ধনার্জনে অকণ্টে পরিবার প্রতি-  
পালনক্রম হইলেও অধিকতর অর্থাগমের উপায় পরিচিন্তনে  
বিরত ; এবং দরিদ্রও সাংসারিক সকল অভাব স্বক্লে করিয়া  
অর্ধের জন্য পথে পথে ভ্রমণ করিতে ক্ষান্ত নহে । যাহার তিন  
কাল গিয়া এক কাল অবশিষ্ট আছে, শরীর নিস্তেজ, মাংস  
ললিত, শ্রবণ বধির, দৃষ্টি অন্ধ প্রায়, একরূপ স্থবিরও আপন পুত্র  
পৌত্রাদি কি উপায়ে সুখে সংসার ক্ষেত্রে কালাতিপাত  
করিবে, ইহার উপায়উদ্ভাবনে ব্যস্ত, তখনও বিষয়বাসনা পরি-  
শূন্য হইতে পারে না; বুঝা অভিনব যৌবন-বলে বলবান্ উদ্ধত  
স্বভাব ; তাহার যৌবনশোণিত এখনও শীতল হয় নাই, মান-  
সিক বৃত্তি সমুদয়ের উজ্জ্বলতা এখনও হুম্বাকৃত হইয়া আইসে  
নাই ; সংসারসুখ তাহার এক মাত্র লক্ষ্য ; অন্য দিকে দৃষ্টি-  
পাত নাই ; কেবল তল্লাভার্থে প্রবল পণ করিতেছে ; সে  
এখন প্রমত্ত দুর্কার যুথপতির পদবনানুসন্ধানে গমনেব  
ন্যায় সোৎসুক মনে সগর্বে সংসার-পথে ধাবিত হইতেছে ।  
বালকও সংসারের অদৃষ্ট, কেবলনাত্র কল্লিত, সূতরাং অতুল  
এবং অপরিমিত সুখ অনুমানে তল্লাভের আশায় তাহার জন্য  
প্রস্তুত হইতেছে । অন্তঃপুর বিহারিণী অবগুণ্ণনবতী অঙ্গ-  
নাও স্বামী, পুত্রের মঙ্গলে আপনার মঙ্গল জানিয়া অনন্ত  
চিন্তা হইয়া তাহারই অনুধ্যান করিতেছে । এই ঘোর সং-  
সারমায়া সমাচ্ছন্ন জগতে আমি কাহাকেও বিষয় বাসনা  
বিরত দেখিতেছি না ; এই ঐক্সজালিক সংসারে সকলেই বিষয়  
বিমুগ্ধ । এই সংসার রঙ্গভূমিতে অভিনয় করিতে আসিয়া  
সকলেই অভিনেতব্য নাটকের প্রত্যেক অংশ অভিনয় কালে

সকলই প্রত্যক্ষ ও প্রকৃত বিবেচনায় আমি রাজা, আমার রাজ্য, আমার মহিষী, আমার পুত্র, আমার কন্যা এই মোহে ভুলিয়া আভিনয়িক সুখে সুখ, দুঃখে দুঃখ জ্ঞান করিয়া হাসিতেছে, কাঁদিতেছে, কখন কত ভাব প্রকাশ করিতেছে? কিন্তু যখন তাহাদিগের জীবনাঙ্কের অভিনয় পরিসমাপ্ত হইবে, যখন যবনিকার পতন হইবে, তখন কে কোথায় থাকিবে? তখন কি আর আমার স্ত্রী, পুত্র, কন্যাাদিগের সহিত সাক্ষাৎ থাকিবে?

সকলেইত এক সংসারমন্ড্রে দীক্ষিত হইয়া সেই ইষ্ট মন্ত্র যপ করিয়া সিদ্ধ হইবার জন্য প্রাণপণ করিতেছ, কিন্তু মনেকর দেখি, তোমার একদিন আছে, যে দিন তোমাকে মহানিষ্কার মগ্ন হইবার জন্য অনন্ত শয্যায় শয়ন করিতে হইবে! সে দিন তোমার শরীর অবসন্ন হইয়া আসিবে, ইন্দ্রিয়গণ বিকল হইয়া পড়িবে, যে দেহের স্বাস্থ্যের জন্য সকাল সকাল আহাৰ করিয়া নিদ্রাসুখ ভোগে শান্তি লাভের চেষ্টা কর—সুনিদ্রায় রজনী ষাপন জন্য সকাল সকাল শয্যায় গমন কর, বাহার মৌষ্ঠবসাদন জন্ত সুগন্ধি সেবন কর, শুভ্রবস্ত্র পরিধান কর; তোমার সেই দেহ স্নান, শীর্ণ, বিবর্ণ হইবে! তোমার সেই রুগ্ন দেহ মল মুত্র নিষ্ঠবনাদিতে সাধারণের, এমন কি তোমার প্রাণাপেক্ষা প্রিয়তম পুত্র কন্যাাদিগেরও ঘৃণ্য হইবে, এবং তোমার প্রাণপক্ষী এই পাঞ্চভৌতিক পিঞ্জর ভগ্ন করিয়া পলায়ন করিবে, ধূলি কন্দময় ভূপৃষ্ঠে বিলুপ্ত হইবে, যে দেহের অঙ্গপ্রত্যঙ্গাদিতে কষ্টক বিদ্ধ হইলে যাতনার অস্থির হও, তোমার সেই দেহ, সেই অতি সাধের, অতি যত্নের দেহ

প্রজ্জ্বলিত চিতায় অর্পণ করিতে তোমার আত্মীয়, স্বজন, পুত্র, কন্যা কেহই ক্ষান্ত হইবে না ।

. ভাই, ভগ্নী, স্ত্রী, পুত্র, কন্যা প্রভৃতি পরিবারস্থ সকলের সুখের জন্য তুমি এই সংসার ক্ষেত্রে অমানবদনে, অকুণ্ঠিত-ভাবে ধর্মকর্ম ত্যাগ করিয়া সর্ববিধ গর্হিত কর্ম করিতে কুণ্ঠিত হইতেছ না—অপরের মর্শ্ববেদনার ভয় কর না—বিপ-শ্নের প্রতি দয়া করা দূরে থাকুক, পথ পাইলে তাহাকে পীড়ন করিতে ছাড় না—প্রভুর বিশ্বস্ত হইয়া তাঁহার সর্বনাশ করিতে বিধাবোধ কর না—স্ত্রীলোক পাইয়া অবীরার সর্বস্ব হরণে ধর্ম ভয়কে মন হইতে দূরীকৃত কর, এখন লোক লজ্জায় জলাঞ্জলি দাও ; কেবল মাত্র সংসার সুখ সাধনীয় অর্থের সহিত সৌহার্দ সূত্রে আবদ্ধ আছ । তোমার এত সাধের এত ভালবাসার সংসার কোথায় থাকিবে? তুমি যত বড় ধনী হও, যত সহস্র, যত লক্ষ, যত কোটি মুদ্রা উপার্জন করিয়া পৃথিবীতে দ্বিতীয় কুবের আখ্যা লাভ কর না, তোমার বহুল অর্থরাশির এক কপর্দকও তোমার সঙ্গে যাইবে না । মনে করিতেছ তোমার পুত্র কন্যা পরিবারবর্গ সেই অর্থ ভোগ করিয়া সুখী হইবে । সে আশা কখনও করিও না, কখন করিও না, তোমার সুখিবার ভ্রম ! তুমি নিতান্ত অবিবেচক, দেখ ইহ জগতে কিছুই চিরস্থায়ী নহে । রাজার রাজ্য, মানীর মান, ধনীর ধন, অতি সাধের অতি মূল্যের বস্তু কিছুই থাকে না । কাল-চক্র নিয়ত ঘুরিতেছে, সেই সঙ্গে তুমি আমি, ধনী নিধন, পশু পক্ষী, এই পৃথিবী ব্রহ্মাণ্ড, সকলেরই অবস্থা পরির্তন হইতেছে । এই সংসারের মধ্যে অতি আপনার বলিতে স্ত্রী

পুত্র কন্যা অপেক্ষা বোধ হয়, আর কেহ তোমার আত্মীয়  
 নাই। সেই পুত্র হইতে একজন পথের পথিক, যাহাকে  
 তুমি কখন জ্ঞান না, কখন যাহার নাম শ্রবণ কর নাই ;  
 সেই পথিক পর্য্যন্ত এই সংসারের যাবতীর লোক সে দিন  
 কেহ তোমার সঙ্গে সাধী হইবে না। ভুলোক-দুর্লভ অতি  
 বিশাল রমণীয় অট্টালিকা, বহু মূল্য পরিচ্ছদ মণি মুক্তা  
 জড়িত ভূষণ হইতে একগাছি তৃণ পর্য্যন্ত তোমার সঙ্গে  
 যাইবে না। এমন কি, যে দেহের কণ্টে তোমার কণ্ট, এত-  
 দূর সম্বন্ধ কাহার সহিত নাই, সে দেহও তোমার সহগামী  
 হইবে না। সেই দিন সেই ঘোর ভয়ঙ্কর অতি বড় বিষা-  
 দেয় দিন মনে করে দেখি! ঘোরা তমস্বিনী যামিনীতে  
 একাকী কোন দুর্গম পথে গমন করিতে হইলে জীবনের কত  
 ভয় কর! সেই দিনে তোমার দর্শনশক্তি একবারে নষ্ট  
 হইবে। নিবিড় অন্ধকার দেখিয়া অস্তুরায়া কাঁদিতে  
 থাকিবে, নিকটে বৃদ্ধ জনক তোমার অন্তিমকাল উপস্থিত  
 দেখিয়া তোমার মৃত্যু দর্শন অপেক্ষা আত্মহত্যা শ্রেয়ঙ্কর  
 ভাবিয়া ভগ্ন হৃদয়ে তাহার চেষ্টা করিবেন। আহা আজন্ম  
 প্রতিপালিকা স্নেহময়ী জননী বক্ষে করাঘাত, মস্তকের  
 কেশরাশি ছিন্ন করিতে করিতে উচ্চ আর্ত স্বরে, সংসার  
 জ্বালায় যদি কখন কটু বাক্য প্রয়োগ করিয়া থাক সে সকল  
 বিস্মৃত হইয়া, তোমার গুণ কীর্ত্তন করিয়া রোদন করিতে  
 থাকিবেন। প্রাণাপেক্ষা প্রিয়তম তোমার স্নকুমার শিশু  
 সন্তান গুলি তোমার মৃত্যুকালীন দারুণ যন্ত্রণা জনিত মুখ-  
 বিকৃতি দেখিয়া তোমার পাশে বসিয়া সজল নয়নে ক্রন্দন,

করিয়া ধরাতলে লুপ্তিত হইবে, প্রাণসম প্রেমসী বিবাহকাল হইতে প্রত্যেক দিবসের কথা স্মরণ করিয়া অধোবদনে বসিয়া অশ্রুজলে ধরাতল প্রাবিত করিবে, তখন তোমার বাকশক্তি থাকিবে না, তাহাদিগের কাতরতা দেখিয়া মাশুনা করিতে না পারিয়া মর্শ্বভেদী যাতনা ভোগ করিবে, জগৎ শূন্য দেখিবে, সংসারের মায়া কাটাইতে না পারিয়া কত কষ্ট হইবে ! উঃ !! কি ভয়ঙ্কর দিন !!! শেষের সেই ছুদিনের কথা মনে কর দেখি । তুমি কি অপরিণামদর্শী ! সংসার মদে মত্ত হইয়া ভ্রমেও তাহার বিষয় চিন্তা কর না ! আজি হউক, কালি হউক, দশদিন পরেই হউক, তোমার সে দিন আসিবেই আসিবে । এক দিন না এক দিন তোমাকে যাতনা ভোগ করিতে হইবেই হইবে । কোন দিন কোন ব্যক্তিকে এইরূপে মৃত্যু যন্ত্রণা ভোগ করিতে, বা কাহার মৃত দেহ দর্শন করিলে ক্ষণেকের জন্য তোমরা মন হইতে বিষম বাসনা, তোমার অভ্যস্ত ছন্দ্রবৃষ্টি গুলি ক্ষণকালের জন্য তোমার মন হইতে অন্তর্হিত হইলে ধর্মপথ অবলম্বনে ঈশ্বর চিন্তার ইচ্ছা হয় বটে, কিন্তু তাহা কতক্ষণ থাকে ? সেস্থান হইতে পাতক ভূমি অন্তর হইতে না হইতেই সকল ভুলিয়া যাও—কিছুই মনে থাকেনা—”যথা পূর্নং তথা পরং”—আবার সংসার মায়ায় নিমুক্ত হইয়া আপনার দৈনিক কার্যের একজন প্রধান কার্যকারক হইয়া দাঁড়াও । বেন কিছু জানিয়াও জান না—বুঝিয়াও বুঝ না ।



## মুমূর্ষুকালে পাপীর ধর্মজ্ঞান ।

“ Death increases our veneration for the good,  
and extenuates our hatred of the bad. ”

*Rambler.*

এই ত অন্তিমকাল উপস্থিত ! চক্ষু দর্শনহীন, কণ শ্রবণহীন  
এবং হস্তপদাদি অসাড় হইয়া আসিতেছে ; বক্ষঃস্থল কম্পিত  
হইতেছে ; চারিদিক অন্ধকারময় দেখিতেছি ; স্ত্রী পুত্র কন্যা  
আত্মীয় স্বজনেরা সজলনয়নে রোদন করিতেছে ; এপনই ত  
এই পৃথিবী পরিত্যাগ করিতে হইবে । যে সংসার সুখের  
অনু শীতাতপ বাত বৃষ্টি কিছুই না মানিয়া প্রাণপণে অর্থো-  
পার্জনের অল্প দেহ ও মন সমর্পণ করিয়াছিলাম, আর কিছু  
পরে সে সংসার কোথায় থাকিবে ? আর আমিই বা কোথায়  
থাকিব ? উঃ ! হৃৎকম্প হইতেছে কেন ? প্রাণ কাঁদিয়া উঠি-  
তেছেই বা কেন ? অন্তরেঞ্জিয় সকল বিকৃত হইয়া আসি-  
তেছে কেন ? জগৎ শূন্য দেখিতেছি কেন ? উঃ ! একি হৃৎ-  
সন্ন ! জীবিত কালে কখনও ত এমন দুর্দিন উপস্থিত হয়  
না ! সম্মুখে ভীষণ দণ্ডধারী বিকটাকার পুরুষ একজন ভয়া-  
নক ক্রকুটী প্রদর্শন করিয়া প্রাণ শুকাইয়া দিতেছে ! ও কে ?  
চক্ষু মুদ্রিত করিলেও যে উহাকে দেখিতে পাই ! কি ভয়ঙ্কর  
ব্যাপার ! এ আবার কি ? বিপদের উপর বিপদ ! জীবিত-  
কালের প্রত্যেক দিবসের দুর্কর্ম পরম্পরায় স্মৃতি আসিয়া সহস্র  
বৃষ্টিকের ন্যায় দংশন করিতেছে ! সংসারজালে জড়িত হইয়া  
যে সকল বিনদ্য কার্য করিয়াছি, সে সকল এখন দারুণ

যন্ত্রণা দিতেছে ; যৌবন মদে মত্ত হইয়া সুরাপান, বেশ্যা-  
 প্রণয় সংসার সুখের সোপান মনে করিতাম। আপোয়পানে  
 মত্ত হইয়া কুলকামিনীর সতীত্ব রত্ন অপহরণ করাকে পৌরুষ  
 জ্ঞান করিতাম। সদসংজ্ঞানশূন্য হইয়া গুরুজনের প্রতি  
 অবাধ্যতা প্রকাশে আপনাকে স্বাধীন, ও অসাধারণ লোক  
 বিবেচনা করিতাম ; সুস্থ শরীরে ইচ্ছাপূর্বক জ্ঞানরত্ন হারা-  
 ইয়া দুষ্কিয়াকে ভয় করিতাম না। বারান্দানাদিগের মনের  
 কুটিল গতি বুঝিতে না পারিয়া মিষ্ট কথায় মুচকি হাসিতে  
 ভুলিয়া গিয়া অকপটচিত্তে অসংপথার্জিত রাশি রাশি ধন  
 অকাতরে অপব্যয় করিয়াছি। বৃদ্ধ জনকজননীর গ্রাসাচ্ছাদন  
 ক্লেশ, পতিপ্রাণা সহধর্মিণীর দুর্কিন্দহ বিরহ যাতনা, প্রাণাধিক  
 প্রিয়তম পুত্রকন্যাদিগের ভরণপোষণের দিকে লক্ষ্য না করিয়া  
 উপার্জিত অর্থের অধিকাংশ পশুজাতীয় 'আমোদে ব্যয় করি-  
 য়াছি। সে সময় যে সকল বন্ধুবান্ধব এক মুহূর্ত্ত দেখিতে  
 না পাইলে কষ্ট বোধ করিত ; যাহাদিগের মনস্তৃষ্টি জন্য ভূরি  
 ভূরি অর্থব্যয় করিয়াছি, তাহারা এখন কোথায় ? যাহারা  
 আমাকে কথায় আকাশের চন্দ্র হাতে দেখাইত, আমার  
 বিপদ পড়িলে প্রাণ দিবার প্রতিজ্ঞা করিত, তাহারা কি  
 এখন আসিয়া পাপযন্ত্রণার অংশ লইবে ?

ধর্ম-পথোপার্জিত সামান্য অর্থ পরিভ্রষ্ট না হইয়া প্রচুর  
 অর্থাগমের জন্য না করিয়াছি এমন দুষ্কর্মই নাই। বল-  
 প্রয়োগে, শঠতাজাল বিস্তারে, ভয় প্রদর্শনে, মর্মপীড়া প্রদানে  
 অর্থোপার্জন করিতে এক দিনের জন্ত অধর্মজ্ঞান করি নাই।  
 ভূরি করিতে উপদেশ দিয়া, নরহত্যা করিবার ষড়যন্ত্র করিয়া,

আবার সেই চোরের চৌধালক সম্পত্তির অংশ লইয়া, সেই নরঘাতকের স্বার্থের অংশভাগী হইয়া তাহাদিগকে রাজস্বারে দণ্ডিত করিবার অশেষ চেষ্টা করিয়াছি । কত পতিপুত্র বিহীনা কামিনীর সম্পত্তি রক্ষার ভার হস্তে লইয়া তাহার সমস্ত সম্পত্তি আত্মসাৎ করিয়া তাহাকে পথের ভিখারিণী করিয়াছি । কোন ধর্মাত্মা সরলমনা ব্যক্তিকে ব্যবহার শাস্ত্রের কুচক্রে ফেলিয়া সর্বাস্বান্ত করিয়া দিয়াছি ! নিরাশ্রয় পাইয়া কত অপ্রাপ্তব্যবহার বালকের সম্পত্তি কাড়িয়া লইয়াছি ! সংসারমায়া, ধনলালসায় মুগ্ধ হইয়া একবার এক মুহূর্তের জন্মও ধর্মকে মনোমধ্যে স্থান দিই নাই । ধর্মের সরলগতি বুদ্ধিতে পারি নাই ; যাহারা সহপদেশ দিতে আসিতেন, ঔর্দ্ধত্যবশতঃ তাহাদিগকে বিক্রম করিয়া তাহাদিগের কথা দূরে নিক্ষেপ করিয়াছি ; কর্ণকুহরে প্রবিষ্ট হইতে দিই নাই । অসংসঙ্গ ভিন্ন সংপথাবলম্বী সাধু পুরুষদিগের মুখাবলোকনেও পাপ বোধ করিতাম ; তাহাদিগকে চক্ষুর শূল, এবং তাহাদিগের সহপদেশকে কর্ণের কণ্টক বোধ করিতাম । প্রতিনিয়ত শত শত ব্যক্তির মৃত্যুর কথা শুনিয়া, মৃত্যু চক্ষে দেখিয়া ও আপনার পরিণাম চিন্তা করিতাম না । মুহূর্তেক জন্ম ঈশ্বরের স্বভা অমুভব করিতে পারি নাই । এখন আমার কি হইবে । এত দীর্ঘকালের মধ্যে যাহাকে একবারের জন্মও স্মরণ না করিয়া কৃতঘ্নতার চূড়ান্ত করিয়াছি, আজি কোন মুখে তাহাকে আহ্বান করি, আহ্বান করিলেই বা তিনি কৃপা করিবেন কেন ; যোগীঋষিগণ আপাতসুখদ সংসারপ্রম পরিষ্ঠ্যাগ করিয়া, বিষয়তৃষ্ণা পরিশূন্য হইয়া শত সহস্র

কল্পিত ধ্যান করিয়াও বাহ্যিক কৃপাকটাকের পথবর্তী হইতে পারেন না; আমার মত স্মৃতিত পানীর কথার কোন তাঁহার দর হইবে? তবে দেখিতেছি, তাহার পবিত্র নামের গুণে যাতনার অনেক লাভ হইতেছে। সমস্ত জীবন ত বৃথা গিয়াছে, এখন যতকণ পারি সেই আনাথ বন্ধুকে স্মরণ করি। ইঞ্জিগণ স্থির হইয়া আসিতেছে! হৃদিখাস ঘন বহিতেছে! তবে এই ত শেষ!

### শূন্য-পিঞ্জর ।

“ O mighty Caesar ! dost thou lie so low ?  
Are all thy conquests, glories, triumphs, sports,  
Shrunk to this little measure ? Fare thee well ” —  
*Shakspeare.*

আমার মতের সহিত সাধারণের মত বড় মিলেবে না। একটা কথা আছে “দশজনের সহিত বাহার মতের ঐক্য না থাকে, সেই পাগল” সে হিসাবে আমিও পাগল তাহা না হইলে কখন মনের চিন্তা প্রকাশ করিতে পারি! বৈকালে যখন সূর্যোস্তের সময় হয়, বৃহ মন্দ সমীরণ গাছের পাতা ডলাইয়া ললিতলতিকা চুহনে বিলসী বাবুর মত হেলিয়া ডুলিয়া বেড়াইতে থাকে; জোৎস্নাবতী বামিনীতে বধন রক্ত করণে বৃক্ষ বসী গ্রাম প্রান্তর, নদী, শুভাগ, গিরি গহন’ উচ্চন করিয়া সুধাংগু আকাশে বাহার মাঝিতে থাকে;

আবার সেই সিত-রশ্মি যখন তাম্র বর্ণ ধারণ করিয়া পশ্চিমা-  
কাশের উৎসঙ্গে অক্ষ লুকার, মলয়জ মৃদুগমনে আবার যখন  
কুম্ভ-রত্ন চুরী করিয়া ধরা পড়িবার স্তরে এখানে সেখানে  
ছুটা ছুটা করিয়া লুকাইয়া বেড়ায়, পাখী গুলি গাছের ডালে  
বসিয়া সুর মিনাইয়া মনের যত্নে, মধুব সুরে প্রতাতী গাইয়া  
পৃথিবীকে জাগ্রত করে, সেই সেই সময়ে আমার বেড়াইতে  
বড় সাধ যায়। আমার হাজার কাজ থাকিলেও তাহা পরি-  
ত্যাগ করিয়া এখানে সেখানে; মাঠের ধারে নদীর তীরে  
বেড়াইয়া বেড়াই। এমন সময় আমি চূপ করিয়া থাকিতে  
পারি না;— কি করিব আমার মন সেই দিকেই যায়।

এক দিন বৈশাখ মাসের বৈকালে রৌদ্রের তাপ কমিয়া  
আসিলে মৃদু-মধুর মলয় মারুত বহিতে ছিল, সমস্ত দিনের  
পর একটু ঠাণ্ডা বাতাস পাইয়া পাখী সকল অস্থখের নবপল্ল-  
বিত শাখায় বসিয়া গান গাইতেছিল, মৃদু বাতাসে দামোদর  
খেলা করিতেছিল। এমন সময় আমি নদীর ধারে বেড়া-  
ইতে গেলাম—দেখিলাম নদীতীরকতে বালুকা শযায় একটা  
মহুয়া-দেহ পতিত, সর্কাক ধূলি ধূসরিত, নেত্র মুদিত, মুখশ্রী  
বিবর্ণ প্রতিভাশূন্য;—শরীর শীর্ণ অপর ওষ্ঠে মক্ষিকাপংক্তি  
একটা উড়িতেছে, একটা বসিতেছে মহুয়া তাহাতে বিরক্ত  
নহে—দেখিরাই জানিলাম এটা শূন্য পিঞ্জর—এপিঞ্জরে পাখী  
নাই—পলায়ন করিয়াছে। পাখী না থাকিলে কে পিঞ্জরের  
যত্ন করে? তাই আজি এরূপ ভাবে এখানে পতিত। যখন  
এই পিঞ্জরে পাখী ছিল, যখন সে মিষ্ট সুরে আপন গলাবাজি  
দেখাইয়া মধুর গীত গাইত হেলিয়া হুগিয়া, নাচিয়া খেলিয়া

বেড়াইত, তখন ইহাকে ভাল বাগিবার অনেক লোক ছিল; তখন অনেকে পাখীর প্রিয় হইয়া মধুর গান শুনিবার জন্য, নর্তন কুর্দন দেখিবার জন্য, তাহার পিঞ্জরের যত্ন করিত, নিকটে আসিত, রসনা সুখদ বিবিধ সুভোজ্য দ্রব্য আনিয়া পাখীকে খাইতে দিত, ধীরে ধীরে তাহার গায়ে হস্তাবমর্ষণ করিত, পাখীর গীত শুনিবার জন্য শীশ চুমকুড়ি দিত সেই শীশ চুমকুড়িতে মুগ্ধ হইয়া পাখী গাইত—শ্রোতা সঙ্কটে হইত যখন আবশ্যক হইত মিষ্ট খাবার লইয়া আবার পাখীর কাছে আসিত, গান শুনিয়া প্রাণ ঠাণ্ডা করিয়া আবার চলিয়া যাইত; কখন কখন পাখী মনের গুমনে গাইত না—চুপ করিয়া থাকিত তখন লোক তাহাকে গর্জিত বলিয়া চলিয়া যাইত—মনের মত লোক পাইলেই পাখী গাইত। তখন তখন পাখীর কত যত্ন, কত আদর ছিল! এখন পাখী নাই, পিঞ্জরের কাছে সে প্রত্যাশাও নাই, কেন তাহার যত্ন থাকিবে? জগৎ স্বার্থ-পর যোর কৃতঘ্ন—স্বার্থ ভিন্ন জগতের কেহই চলে না।

বনের পাখী পিঞ্জরে থাকিতে ভালবাসে না; সর্বদাই ইচ্ছা করে শূন্য পথে স্বাধীন ভাবে উড়িয়া বেড়ায়, বনে বসিয়া বনের মিষ্ট ফল ভক্ষণ করে, নিশ্চল নির্ঝর বারি পান করে; মনের সুখে কাল কাটায়। আমরা বন হইতে যে পাখী ধরিয়া আনি তাহাকে পিঞ্জরে বদ্ধ করিয়া রাখি, যত্ন করিয়া পুষ্টি, তাহার সহিত এ পাখীর অনেক প্রভেদ। বনের পাখী পিঞ্জরে অনেক দিন থাকিলে, প্রতিপালকের মুখমিষ্টতা পাইলে তবে পোষ মানে—এ পাখীর তা নয়, ধরা পড়িলেই পিঞ্জরে

প্রবেশ করে, প্রবেশ করিলেই পোষ মানে আর স্বেচ্ছায় বাহির হয় না। পিঞ্জরের মাঝার ভুলিয়া গিয়া থাকিয়া যায়। পিঞ্জরে প্রবেশ করিলে পিঞ্জরের প্রতি ইহার এত মমতা, এত যত্ন জন্মে যে, ছাড়িয়া বাহির হইতে কষ্ট বোধ করে। এ তাহার অতি সাধের, অতি যত্নের, অতি সৌখিন খাঁচা। এ খাঁচা একটু খারাপ হইলেই পাখী মর্মান্তিক যাতনা বোধ করে, যতক্ষণ না খাঁচা সারিয়া নয় ততক্ষণ সুখী হইতে পারে না। পিঞ্জরের সুখে ভুলিয়া পিঞ্জরের গুণে মুগ্ধ হইয়াই পাখী পিঞ্জর ছাড়িতে চায় না; তথাপি জাতীয় শিকলীকাটাদোষে একবার পিঞ্জর হইতে বাহির হইলে আর কখন ফিরে না। বনের পাখী শিকল কাটিয়া একবার উড়িলে, প্রতিপালক যত্ন করিয়া ডাকিলে, মিষ্ট খাবার দেখাইলে পুনরায় ফিরিয়া আসিয়া দাঁড়ে বসিতে পারে। কিন্তু এ পাখী একবার পলাইলে আর সে আশা থাকে না, পাখীর যে পিঞ্জরের প্রতি এত মমতা, সে পাখীর গুণে নয়, পিঞ্জরের গুণে। পিঞ্জরের মোহিনী শক্তিতে পাখী পিঞ্জর ছাড়িতে পারে না। তবে যখন পিঞ্জর একবারে ভাঙ্গিয়া অকর্মণ্য হইয়া যায় সারিবার উপায় থাকে না, তখন পাখী অগত্যা পলায়ন করে। পাখী চেষ্টা করিয়া কখন উড়িয়া পলায় না, তাহা হইলে পিঞ্জরের নয়টা দ্বার খোলা, মনে করিলে যখন ইচ্ছা অনায়াসেই পলাইতে পারে। অতি কষ্ট, অতি মনোহঃখ না পাইলে পাখী প্রকৃপ আশ্রয়বঞ্চনা করে না।

এই যে পিঞ্জর, এটা ভয় পিঞ্জর! ইহাতে পাখী নাই—যখন পাখী ছিল, তখন ইহার কঠ বাহার! আজি সে

বাহার কোথায় ? এই পিঞ্জরে থাকিয়া মধুর বসন্তে, মলয়  
 মারুতে, কুমুমসৌরভে বিভোর হইয়া পাখী মনের সুখে  
 আশা মিঠাইয়া কত সাধের গীত গাইরাছে—নিশ্চল শলি-  
 কিরণে নাচিয়া খেলিয়া কত ফুর্তি করিয়া বেড়াইয়াছে ।  
 নিদারুণ নৈদাঘ রৌদ্রে কত কষ্ট ভোগ করিয়াছে ! প্রবল  
 ঝটিকা তাড়নে কতবার পিঞ্জর লইয়া সামাল সামাল পড়িয়াছে  
 —অবিরল শ্রবৃট্ ধারায় গভীর বজ্রনির্ঘোরে, দৃষ্টিদাহী চপলা  
 চমকে পাখী কতবার কম্পিতদেহ পিঞ্জর ভঙ্গের চিন্তায়  
 অনশনে কতদিন কাটাইয়াছে—অস্থিভেদী দারুণ শৈত্যভয়ে  
 নড়িতে চড়িতে না পারিয়া অতিকষ্টে কতদিন অতিবাহিত  
 করিয়াছে—এত দুঃখ ! এত যন্ত্রণা ! তথাপি পাখীর পিঞ্জরের  
 মায়ী কমে না । এখন পাখী দায়ে পড়িয়া সরিয়া গিয়াছে ;  
 পলাইয়া হরত আপনার কাম্যবনে আশ্রয় পাইয়াছে । সেখানে  
 উচ্চ মহীকূহে বসিয়া জগদুর্লভ স্বাদু অমৃতময় ফল ভক্ষণ  
 করিয়া চিরবিরাজী অক্ষয় সুধাংশুর পবিত্র প্রেমসুধা পান  
 করিতে পাইয়া আপনাকে চরিতার্থ করিতে পারিয়াছে । এপি-  
 ঞ্জরের কথা সকলই ভুলিয়া গিয়াছে, আর ফিরিবে কেন ?  
 বনের পাখী কৰ্মফলে লোকালয়ে আসিয়া যত দিন পোষা  
 রহিল তাহাই চের ! লোকালয়ের প্রতি স্নেহ পিঞ্জরের প্রতি  
 মায়ী ছেদ করিয়া যদি একবার উড়িতে পারিল, যে বনের  
 পাখী সে বন যদি পাইল তবে আর কি সে ফিরিতে চায় ?

এই পিঞ্জরে থাকিয়া পাখী যত সুখ, যত দুঃখ ভোগ করি-  
 য়াছে আমার পাখীও সেই দুঃখ সেই সুখ ভোগ করিতেছে ;  
 এই ভয় পিঞ্জরের পাখী বাহা করিয়াছে আমার পাখী তাহাই



করিতেছে, এখন এই পিঞ্জরের যে দশা হইয়াছে আজি হউক  
কালি হউক দশদিন পরেই হউক আমারও পিঞ্জরের সেই দশা  
হইবে। আমি জানি না কোন দিন আমার সাধের খাঁচা  
ভাঙ্গিবে, কোন দিন আমার পাখী উড়িয়া পলাইবে, খাঁচার  
পানে ফিরিয়া চাহিবে না। এ দেহপিঞ্জর ভঙ্গুর ; জগতে কোন  
জিনিষই চিরস্থায়ী নহে। পর্ত চূর্ণ হইয়া বায়, সাগর শুকা-  
ইয়া যায়, তবে এ ভঙ্গপ্রবণ ক্ষীণ শলাকাসূত্রগ্রথিত পিঞ্জরের  
আশা কি ? যখনই কোন গুরুতর ধাক্কা লাগিবে, তখনই  
ভাঙ্গিবে ; কোনমতে রাখিতে পারিব না। যাহারা এখন আমার  
পাখীকে লইয়া নাচাইতেছে, খেলাইতেছে, অতি আদর, অতি  
যত্ন করিতেছে, আমার পিঞ্জর ভাঙ্গিলে, আমার পাখী পলায়ন  
করিলে তাহারা আমার ভগ্নপিঞ্জর স্পর্শ করিতেও যুগা করিবে।  
আনার পাখী একা আনিয়াছে একা যাইবে—কোন্ বহন যাইবে  
জানি না—তাহার স্থির নাই। সেখানে গিয়া বসন্তের সহচর  
কোকিলের দলে মিশিবে বা শ্যামা, পাণিয়া, দয়েল, “বৌকথা-  
কও” ইহাদিগেরই সঙ্গী হইবে ? কি কাদা খোঁচা বায়স চাতা-  
কর দলে প্রবিষ্ট হইবে, কিছুই বলিতে পারি না। এ পিঞ্জরের  
পাখী উচ্চ দরের—ইহাকে যে বোল বলাইবে, সেইরূপ বোল  
শিখিবে—অবিকল সেইরূপ বলিবে। পাখী হিন্দু স্থানীর  
কাছে থাকিয়া “রাধাকৃষ্ণ জি কি জয় !” জাহাজের কাপ্তেনের  
কাছে থাকিয়া কেবল মাত্র “Back her easier”. বৈষ্ণবের কাছে  
থাকিয়া “হরেকৃষ্ণ” শাক্তের কাছে থাকিয়া “কাণী কল্পতরু”  
এবং বেণ্ডালয়ে থাকিয়া অল্লীল গীত শিখা করে। এখানে  
যে বুলি অভ্যাস করে, বনে গিয়াও সে বুলি ভুলিতে পারে না।

এখানকার ফলাফল পাখীকে সেখানে ভোগ করিতে হয়। তবে আর টপ্পা গাইতে শিখাইয়া পাখীর পরকাল নষ্ট করি কেন? এখান হইতে কুবোল ছাড়াইয়া সুবোল শিক্ষা করাই। মন খুলিয়া ষড়ঙ্গ হইতে পঞ্চম পর্য্যন্ত তুলিয়া বিভূগান পড়াইতে থাকি! পক্ষী জাতি যা শুনে তাই শিখে। ভ্রমেও আর কুবোল মুখে আনিতে দিব না; সুবোল শিখাইব তাহা হইলেই পক্ষীজন্ম মার্থক হইবে।

### আশা মিটিল না।

“ Exiles, the proverb says, subsist on hope,  
Delusive hope still points to distant good,  
To good that mocks approach. ”

এই প্রপঞ্চ জগতে জন্ম গ্রহণ করিয়া যে দিন হইতে জ্ঞানের সঞ্চার হইয়াছে—যে দিন ধর্ম্মাধর্ম্ম, সুখ দুঃখ, ভয় ভরসা, ভাল মন্দ বিবেচনা করিতে এবং মনোবৃত্তি সমুদায়ের চালনা করিতে শিক্ষা করিয়াছি, সেই দিন হইতে আশা করিয়া ছিলাম, যখন বয়োপ্রাপ্ত হইয়া সংসারে প্রবিষ্ট হইব তখন প্রভূত অর্থোপার্জনে ধনেশ্বর হইব, আমাদিগের বাস ভবন ইজ্রায়েল তুল্য করিব; (বাল্যকালের কথা!) আশ্রয় স্বজনবর্গের সুখসচ্ছন্দ্য বৃদ্ধি করিব—মাতৃভূমির শ্রীবৃদ্ধি সাধন করিয়া তাহাকে ধরাগ্রগণ্য করিব—দীন দরিদ্র দিগের দারিদ্র্য দুঃখ নিরাকরণের অশেষ বিধ উপায় করিব--তাহাদিগের অন্ত অর্জিত অর্থ উৎসর্গ করিব—পৃথিবীতে দরিদ্রের দুঃখ রাখিব না—অনাথদীনহীন

বর্গের অন্তর্ভুক্ত্যে মিটাইব—নিরাশ্রয় বালক বালিকা দিগের  
 ভরণপোষণ, এবং বিদ্যাশিক্ষার উপায় বিধান করিব—অসহায়  
 নিম্পতিসুতা কামিনীকে আশ্রয় দিব,—স্বহস্তে তাহাদিগের অশ্রু  
 মুছাইব—আশা এরূপ ছিল যে, তাহাদিগের সকল দুঃখ বিদ্-  
 রিত করিব—মানুষে যাহা কখন পারে না আমি তাহা করিব ।  
 যে উপায়ে পারি, সমাজের কুরীতি সমুদায় সংশোধন করিরা,  
 সুনীতি ও সুশিক্ষা দ্বারা সনাতনকে বিশুদ্ধ করিয়া তুলিব, সমা-  
 জের সকল অভাব দূর করিব, প্রথমে আপনার জন্ম ভূমির,  
 আপন সমাজের, আপন জাতির, পরিশেষে সমস্ত পৃথিবীর  
 অভাব ঘুচাইব ।

রেলওয়ে শকট চক্রের অপেক্ষাও কালচক্র দ্রুতবেগে ঘুরি-  
 তেছে, দেখিতে দেখিতে আমার বাল্যকাল কাটিয়া গেল,  
 যৌবন নিকট হইল, গোচে গাচে বিদ্যালয়ের পাঠ সমাপন  
 করিলাম—দূর হইতে সংসার কাননের সূচারু সূচিকন শোভা  
 দেখিয়া মন ভুলিয়া গেল । কাননের শীর্ষ-দেশ শ্যামল নবীন  
 নদর পল্লব-রাজিতে অপূর্ণ শোভিত, মধ্যো মধ্যো নীল, লোহিত  
 পীতাদি নবনাত্তিরাম কুসুমদামের মনোহারিতা, তদুপরি  
 শিখী পংক্তির বিস্তৃত পুচ্ছ-শোভা, তন্নিম্নে আরণ্য তরু সমুদা-  
 য়ের স্তম্ভ সকল নব-মুকুলিতা-লতিকালিন্ধনে ঘনতর শ্যাম দেখি-  
 য়াছি, তৎপ্রদেশের অপূর্ণ কর্নিত সুখ লাভের প্রত্যাশায়  
 প্রধাবিত হইতে লাগিলাম । যতনিকটস্থ তটতে লাগিলাম,  
 কগনিদাদী-বিবিধ বিহঙ্গম কুলের সুশ্রাব্য মধুর কণ্ঠস্বর ঐক-  
 তান বাদ্যের ঞ্চায় শ্রবণ জুড়াইতে লাগিল । তখন অশেষ  
 আগ্রহ-জ্বলিল—ইচ্ছা হইল অবিলম্বে তাহাতে প্রবেশ করিয়া

জীবন সার্থক করিতে হইবে। তখন আমাকে কেহ বারণ করিবে না—বরং অনেক লোককে প্রবেশ করিতে দেখিয়া তাহাদিগের অনুবর্তী হইলাম। ভিতরে বাইরা দেখি, তাহার কিছুই নাই—ভয়াল সিংহ শার্দুলাদি খাপদেরা ঘূর্ণিত লোচনে লাক্ষ্মণ সঞ্চালন করিতে করিতে বিকট মূর্তিতে ঘুরিয়া বেড়াইতেছে। স্থানে স্থানে বিশালদেহী অজ্ঞাগরণ নিশ্বাস হতাশনে তদ্বৎ স্থানের লতা গুল্মাদি দগ্ধ করিয়া ফেলিতেছে। দেগিয়াই শোণিত শুষ্ক হইয়া গেল।

সংসার প্রবেশ করিয়াই ত এই বিষাদ ! যেরূপ লেখা পড়া শিক্ষা করিয়াছিলাম, তাহার কল পাইলাম না—যাহা উপার্জন করিতে লাগিলাম, তাহাতে নিজের উদর পোষণ করিয়া পরিবার প্রতিপালন করা চলেনা। আশা সঙ্গে আছে—ভয় কি ? যাহার মোহন মন্ত্রে জগৎমুগ্ধ ! মিথ্যাকে সত্যের পরিচ্ছদ পরাইয়া মানুষ্য মুগ্ধ করিতে যাহার মত পটু পৃথিবীতে আর কেহ নাই, হয় কে নয়, নয় কে হয় করিয়া দেখাইতে যাহার মত আর দ্বিতীয় নাই, আশার কুহকে সংসার চলিতেছে, আশা না থাকিলে মানুষ্যের যে কি হইত বলা যায় না ! আশাই জগৎ রাধিয়াছে ! সংসারে প্রবেশ করিবামাত্র ভয় পাইলাম—হতাশ হইলাম পূর্বের ইচ্ছা, পূর্বের সাধ নিটাইতে পারিব মনে হইল না। আশা তাহা হইতে নিবৃত্ত করিল, মিষ্ট বচনে কাছে আসিয়া আশ্বাস দিয়া বলিল “ভয় নাই আর কয় দিন ? অপেক্ষা কর তোমার সকল সাধ মিটিবে, এমন সময় আসিবে যখন তোমার সকল ইচ্ছা সিদ্ধ হইলে, সকল সুখে সুখী হইবে”। বরাবর যাহার কথা শুনিয়া, যাহার কথায় বিশ্বাস

করিয়া আসিতেছি তাহার একটা কথার সার্থকতা দেখিতে পাইলাম না বলিয়া চিরকালের জন্য তাহাকে অবিশ্বাস করা বড় ভাল হয় না ; তাহার কথায় নির্ভর করিয়া রহিলাম । দুদিন, একদিন, দুমাস, একমাস, ছবছর, দশবছর করিয়া, বল, বুদ্ধি, ভরসার সময় কাটিয়া গেল, আশার কোথাও সফলতা দেখিতে পাইলাম না । মনে হুঃখ হইল, ক্রোধ জন্মিল, ক্ষোভ আসিয়া উপস্থিত হইল । মনে করিলাম, যদি আশার সাক্ষাৎ পাই, মনের মত শাস্তি দিব, হৃদয়শারী চূড়ান্ত করিব । অধিকক্ষণ নয়—একটু পরেই অপূর্ব বেশ ভূষায় অঙ্গাবরণ করিয়া হাসিতে হাসিতে আশা আসিয়া নিকটে দাঁড়াইল,—রাগে ফিরিয়া দেখিতে ইচ্ছা হইল না । আশা তখন কক্ষে হস্তার্পণ করিয়া, প্রিয়সম্ভাষণে কথা কহিয়া আবার লোভ দেখাইতে লাগিল । কোন মতে বিশ্বাস করিব না—কোন মতে তাহার কথায় কর্ণপাত করিব না—কিন্তু কি মোহন-মন্ত্র-জানে মন ভুলাইয়া দিল—বেলা দ্বিপ্রহর অতীত, দিবাকর পশ্চিম গগনে নামিতেছেন—আশা পূর্বদিকে অঙ্গুলি নির্দেশ করিয়া একটা রমণীয় ইন্দ্রধনু দেখাইয়া বলিল “ঐ ইন্দ্রধনু যে স্থানে মৃত্তিকা স্পর্শ করিয়াছে সেই স্থানে পৌছিলেই তোমার ইষ্ট সফল হইবে—বেগে চল; যতশীঘ্র পৌছিব, তত শীঘ্র তোমার কামনা পূর্ণ হইবে ।” তখন চাকুহাসিনীর বাকচাতুরী বুদ্ধিতে না পারিয়া, কথার সত্যাসত্য বিবেচনা না করিয়া ক্রমশঃ চলিতে আরম্ভ করিলাম—যত যাই, পথ আর ফুরায় না—শেষে দৌড়িতে লাগিলাম ; যত দৌড়ি, ইন্দ্র ধনুও দৌড়িতে পাকে, ধরা দেবনা—ক্রমে বেলা শেষ হইয়া আসিল—আমারও তিন

কাল গিয়া এককালে ঠেকিল—বৈকালিক সমীরণে পূর্বাংশ-  
শের জলদমালা ছিন্ন ভিন্ন হইয়া গেল—ইন্দ্রধনুও লুকাইল—  
আমি হত বুদ্ধি-দণ্ডায়মান হইয়া ভাবিতে লাগিলাম—ভাবি-  
লাম আশা মিটিল না—কুহকিনী তখনও ছাড়ে না—ভয়ে  
নিকটে আসিতে পারে না। দূর হইতে আমার পুত্রের দিকে  
অশ্রুনি নির্দেশ করিয়া তখনও আমাকে রাজপিতা হইবার কথা  
বলে। এই জগতে আশার-ছলনার না ভুলিয়াছেন, এমন  
ব্যক্তি নাই—রাজা, মন্ত্রী, অধ্যাপক, প্রজা, ধনী, দরিদ্র,  
বালক, বৃদ্ধ, বনিতা তাহার নিকট প্রতারিত না হইয়াছে  
এমন লোক নাই। আশা কখন সত্য কথা বলে না—লোকের  
সহিত প্রবন্ধনা, প্রতারণা ভিন্ন কদাপি সরল ব্যবহার করে না,  
--লোক জানিয়া গুনিয়াও তাহার কথায় বিশ্বাস করিতে,  
তাহার কথায় নির্ভর করিতে ছাড়ে না। আশার অদ্ভুত শক্তি,  
আশ্চর্য্য বাহাহরী!

সন্ধ্যা হইল, সূর্য্য অস্তাচলে চলিলেন, আকাশ অন্ধকারময়  
হইল, জীবন-সন্ধ্যা নিকট, আশা মিটিল না, মনে করিয়াছিলাম,  
সমস্ত জীবন মধ্যে প্রতিদিন একটা সময় নির্দিষ্ট করিয়া সকল  
মঙ্গল-ধাম সেই করুণাময় বিশ্ববিধাতার তদ্বাসুচিস্ততে বিমলা-  
নন্দ ভোগ করিব, তাহাও হইল না। ইহকাল পরকাল দুই  
কালেরই কাজ হারাইলাম, বিদ্যাচর্চার বাল্যকাল কাটিয়া  
গেল—“হাহা” করিয়া সংসার চিন্তায় যৌবনকালটা অতি-  
বাহিত করিলাম—আশার শঠতার ভুলিয়া হতবুদ্ধি মূঢ়ের  
স্তায় বার্ককোও আসল কার্য্যের কিছু করিতে পারিলাম না।  
এখন কিছুই হইল না—ধনের আশা—স্বজনের আশা—বড়

হইবার আশা—সকল আশাই ফুরাইয়া আসিল—যাহা মনে করিয়াছিলাম, তাহার কিছুই করিতে পারিলাম না—যেমন আসিলাম তেমনি চলিলাম—আসা যাওয়া সার হইল, ভূতের বাগার খাটিয়া চলিলাম, কিছুই করিতে পারিলাম না। স্রোতো জলের বুদ্ধদের ঞায় উঠিয়া একটু ভাসিয়া গিয়া স্রোতে নিসাইতে চলিলাম; আর কিছু হইল না, কেবল মাত্র এলাম গেলাম, কিছুই রাখিয়া যাইতে পারিলাম না। মনের আশা মনেই রহিয়া গেল।

মরা মানুষ বাঁচে না ?

“—————Where thou art gone  
Adieus and farewells are a sound unkown.  
May I but meet thee on that peaceful shore,  
The parting word shall pass my lips no more !”

*Cowper*

আমি পাগল—না হইলে এমন চিন্তা আমার মনে উঠিবে কেন? বাস্তবিকই আমি উন্মাদগ্রস্ত! মানব মন যাহা দেখিতে চায়, যাহা পাইতে আগ্রহ করে, তাহাই যদি নিলেবে, তবে সংসারে হুঃখ কিসের? মানবের মন নিরন্তর অবিতৃপ্তই বা কেন থাকিবে? কিন্তু একরূপ হইলেও আশা ক্ষান্ত থাকে কই? আশাত যত অসম্ভব ঘটনারই কল্পনা আনিয়া দেয়। আশার কথা যদি সত্য হইবে, তবে সংসারে এত নিগ্রহই বা কেন হইবে? আমার উপস্থিত চিন্তা

নিতান্ত অসম্ভব ও অযুক্তিসঙ্গত হইলেও চিরায়ত কিম্বদন্তী, কবিকল্পনা আমার মনে এই সন্দেহের ছায়া পাতিত করে। রঘুপতি রামচন্দ্র পিতৃসত্য প্রতিপালন জন্য অরণ্যগমন করিতে ছিলেন, গমনকালে পিতা মাতা সকলকে সুস্থ শরীরে দেখিয়া গিয়া ছিলেন কিন্তু তিনি পথিমধ্যে স্বপ্ন দেখিলেন তাঁহার পিতৃদেব ইহলোক পরিত্যাগ করিয়া স্বর্গধামবাস আশ্রয় করিয়াছেন। ক্রটাশ শিজারকে হত্যা করিয়া পরে তাঁহার প্রেতদেহ দেখিতে পাইলেন। দৈব নিগ্রহতায় বহুদিন বিচ্ছেদের পর কাদম্বরী চন্দ্রাপীড়ের পবিত্র প্রণয়পূরিত মূর্তির দর্শন পাইয়া সকল দুঃখের অবসান করিতে পারিয়া ছিলেন। আমিও সেই নরলোকে জন্মগ্রহণ করিয়াছি—আমিও মনুষ্য—আমারও সেইরূপ অন্তর ও বাহ্যেঞ্জির আছে—আমারও মনে দুঃখের লীলা, আশারখেলা আছে। আমিই বা সেইরূপ প্রত্যাশা করিতে পারিব না কেন? এই মনে করিয়া কখন কখন আশা হয় আমিও কোনদিন কখন না কখন আমার মনের সেই স্নেহময়ী মূর্তি খানি দেখিতে পাইব। যাহার রূপায় প্রপঞ্চ জগৎ দেখিতে পাইলাম, তাহার করুণাবলে এই রঙ্গময়ী ধরা মধ্যে বিচরণ করিতেছি—এই সংসার সাগরের যিনি একমাত্র আশ্রয়, একমাত্র ভরসা, একমাত্র হিতৈষিনী সেই জননীকে হারাইয়াছি। যখন আমার পরম হিতার্থিনী ইহলোকটেকক আরাধ্যা সেই জননী পীড়িত শয্যায় আমাকে নিকটে পাইয়া আমার গাত্রে হস্তস্পর্শ দ্বারা আপনার যাবতীর রোগ যন্ত্রণা বিদূরিত বোধ করিলেন—আমার সহিত মৃৎ মধুর ক্ষীণস্বরে কথা কহিয়া তাঁহার দীর্ঘজীবনের আশা



দিলেন, সেই এক সময়—আর তাহারই পর রজনীতে যখন তিনি মহাশয়্যায় শয়ন করিলেন—দেহ শীর্ণ—নিষ্পন্দ—নেত্র মুদিত—হৃদিস্থাস সঘন চালিত—প্রাণবায়ু প্রয়াণোদ্যত—তখন সেই কষ্ট দেখিয়া হৃদয় কম্পিত হইয়া উঠিল—প্রাণ আকুল হইল, অধীর হইয়া পড়িল—তৎসাময়িক কর্তব্যতা বিষয়ে পরাশ্রুত হইল। চতুর্দিকে আমরা ভ্রাতৃ চতুষ্টয় সজল নয়নে আর্তস্বরে আকাশ কাটাইতে লগিলাম, আর সেই এক সময়! সেই ঘোরতমস্বিনী আমাদিগের পক্ষে যেন বিষময়ী বোধ হইতে লাগিল—কি অশুভক্ষণই আসিয়াছিল। উঃ! যখন তাঁহার প্রাণপক্ষী পাঞ্চভৌতিক পিঞ্জর হইতে পলায়ন করিল তখন জানিতে পারিলাম না তিনি জীবিতা কি মৃত। মাতৃ সম্বোধনে বারম্বার আস্থান করিলাম—বালককালের বিনয় মধুর স্বরে অনুরূপ করিয়া বারম্বার ডাকিলাম—উত্তর পাইলাম না,—তখন জানিলাম তিনি এই মায়াময় জগতের মায়াপাশ ছেদ করিয়া প্রস্থান করিয়াছেন—ইহলোকে আর নাই—তাঁহার পর কত বার ডাকিলাম—কত বিনয় করিলাম—পরিশেষে কত চীৎকার করিলাম—উত্তর পাইলাম না। যে জননী একবারের অধিক জুইবার ডাকিলে পাছে পুত্রের কষ্ট হয় ভাবিয়া শশবাস্তে উত্তর দিতেন, এখন তাঁহাকে ডাকিয়া ডাকিয়া তালুতক করিলাম, উত্তর পাইলাম না। তখন মন একবার বৃষ্টিতে পুরিল তিনি আর আমা দেয় নাই। তাহার পর ক্ষণেই আমরা তাঁহার শব জাহ্নবা তীরস্থ করিলাম—অশ্রুটিক্রিয়ার পূর্বানুষ্ঠিক কার্য হইতেছে—মন কি অবোধ! মোহেবু কি আশ্চর্য্য মহিমা! আবার আশা

উপস্থিত হইল—আবার গিয়া তাঁহার শব পরীক্ষা করিলাম—  
 মনে করিলাম বৃষ্টি আমার বিনয়ে আমার কাতরতার তিনি  
 ইহলোকে প্রত্যাগমন করিয়া আপন দেহ আশ্রয় করিয়া-  
 ছেন। মৃত দেহে ঠিক যেন সজীবতা দেখিতে পাইলাম—  
 নিকটস্থ হইলাম—ভাল করিয়া দেখিলাম—আমি পাগল!  
 তাও কি কখন হয়! মরা মানুষ কখন কি বাঁচে? তাহা  
 হইলে আর জগতের মহৎ অভাব কি? তখন বক্ষে জনস্ত  
 বিষম ধারণ করিয়া তাঁহার পবিত্র দেহ প্রজ্জ্বলিত হতাশনে  
 অর্পণ করিলাম—অবিলম্বেই আমার সেই ভক্তির মূর্তি খানি  
 ভস্মমাৎ করিলাম—পরিশেষে বিষম মনে, ভয়ঙ্কর বাটীতে  
 আসিলাম। গৃহ অন্ধকার ময়! পুণ্ড্রী শূন্য! আজন্মকাল  
 যে মূর্তি দর্শন করিয়া নয়ন পবিত্র করিয়া আসিতেছিলাম,  
 ঘোর বিপৎ প্লতের সময়ে যাঁহার মধুরতাময় উৎসাহব্যাক্যে  
 বিষম বিপদকে অক্ষিপণ্ড করি নাই—আজি সেই জননীকে  
 হারাইলাম। বিপদে সাহসনা করিতে আর কেহ নাই—  
 আশ্রয়হীন সংসারময়তে তৃষিত পথিকের গায় ভ্রমণ করিতে  
 লাগিলাম। সেই অবধি যেখানে যাই, যে দিকে চাই সেই  
 করুণাপূর্ণ মাধুর্যময়ী মূর্তি খানির অনুসন্ধান করি—দেখিতে  
 পাই নাই। বহুজন সমাকুল সুন্দরী নগরী, গ্রাম পল্লী,  
 উপবন, গিরি গহন, যেখানে যাই, অনুসন্ধান করি খুজিয়া  
 পাই নাই। একদিন মনে করিলাম শ্মশানভূমি প্রেতাচার  
 নিবাসস্থান—দেখি যদি সেখানে যাইলে সাক্ষাৎ পাই। নিশীথ  
 সময়! ঘোর অন্ধকার! চারিদিকে দৃষ্টি চলেনা—তেমন সময়  
 ভাগিরথীতীরে যেখানে তাঁহার পবিত্র দেহ দগ্ধ করিয়া আসি-

যাছি—সেই খানে গেলাম। সেই জনশূন্য প্রদেশ রাতিকালে  
 নীরব—ছুর্গম—সাক্ষাৎ মূর্তিমান মৃত্যুর গ্লান যেন মুখবাদান  
 করিয়া গ্রাস করিতে আসিল। স্থানটী অতি ভয়ানক! নদী  
 তীর শব্দস্কুল—কোন কোন স্থানে ধূমরাশি সমাচ্ছন্ন অগ্নিশিখা  
 নরদেহ দগ্ধ করিতেছে। বায়ুসহ অগ্নির সামান্য শব্দ! সে  
 নিশীথে তাহাও অতি ভয়ঙ্কর! এক একবার মনে হইতে  
 লাগিল সেই নীরবতা নষ্ট করিয়া যেন অক্ষয় শব্দ কর্ণ কুহলে  
 আসিতেছে—শ্রুতিস্থির রাখিয়া, ভাল করিয়া শুনিতে চেষ্টা  
 করিলাম—আর শুনা গেল না—মনে হইল পশ্চাতে কে যেন  
 দণ্ডায়মান আছে—পশ্চাৎ ফিরিয়া কাহাকেও দেখিতে পাই-  
 লাম না—কেবল সেই নীরবতা, সেই অন্ধকার, এবং সময় ও  
 স্থানের সেই ভীষণতা বই আর কিছুই নহে। পবনগণের  
 শিঙ্গাগণ চীৎকার শব্দে নিশীথিনীর নীরবতা ক্ষণেকের জন্য  
 ভাঙিয়া দিল। তখনও আমি দণ্ডায়মান! কিছুই শুনিতে,  
 কিছুই দেখিতে পাইলাম না—আবার মৃত মন্দ সমীর চালিত  
 শব্দ শুনিতে পাইলাম, শব্দ লক্ষ্য করিয়া জাগ্রত  
 হইলাম—সুরধুনী তারকা কুল বিচিত্রিত  
 আকাশের ছবি বহু ধারণ করিয়া মৃতল পবন  
 করিতেছে— এই অব্যক্ত ধ্বনির অর্থ বোধ  
 করা কঠিন। আবার কথা জিজ্ঞাসা করিলাম—কোন  
 মনে খেলা করিতে  
 আমি বাতীতে ফিরি-  
 নিশীথে প্রেতদেহ  
 তর তর করিয়া

খুজিয়া আসিলাম—কোথাও কিছু দেখিতে পাইলাম না—  
 বালাসংস্কার বশতঃ জ্যোতিষমণ্ডল পরলোক বাসী বিগের  
 বাসস্থান মনে করিয়া এক একটা করিয়া কত নক্ষত্র দেখি-  
 লাম—কোথাও খুজিয়া পাইলাম নাই। তখন মনে হইল  
 যদি স্বপ্নেও দেখিতে পাই—গৃহে আসিলাম—দীর্ঘকাল ভ্রমণের  
 পর শয়ন মাত্র আঝরে ঘুমাইলাম—প্রাতঃকালে উঠিয়া  
 ভাবি—কই স্বপ্নেও ত দেখিতে পাইলাম না! আচ্ছা তবে  
 কি কোন উপায় হইবে না? কই? কিছুই ত দেখিতে পাই  
 না! ইহলোক পরিভ্রমণ করিলেও কি সাক্ষাৎ হইবে না?  
 কে বলিতে পারে? কেহই নয়। আজি কালিকার প্রেত-  
 তত্ত্ববিদ বলিবেন—যাঙ্গা প্রেত পোকে প্রস্তুতি করিতে ন,  
 কোন সংবাদের প্রয়োজন হইলে তিনি আনিয়া দিতে  
 পারেন—তাহাই কি সত্য? কেমন করিয়া বলিব! আমি  
 এত এড়াকিতেছি—জনকীর মধুর কণ্ঠস্বর শুনিতে, মধুরী বা  
 ময়ী মূর্তি দেখিতে পাই না কেন? যদি বল <sup>আমি</sup> তাঁহারা সাং-  
 রিক মায়া পাশ ছেদ করিয়া গিয়াছেন—এ অগণ্য সংখ্যক  
 আর বড় সম্বন্ধ রাখিতে চাহেন না;—তাহ সংসারের  
 তাঁহার অপ্রবণ বোধ হয়—ইহলোকের মোহজ  
 আর ভুলাইতে পারে না। তবে আর  
 আস্থানে, অমুরোধেই তিনি  
 তাহারই প্রমাণ কি?  
 মীমাংসা এ পর্য্যন্ত কি?





